

IKUPENGANA



Katu ciimvwi no tuko tamika mitwe yesu. Mwami Jesu, tuli buyo mu kusyoma. Wa ka twaambila kuti tusyome buyo, alimwi lino twa syoma. Alimwi twapa kulumba a ntembauzyo kuli Nduwe nkambo ka zeezyo nze twa kamvwa a kubona kale, zikkazikizya lusyomo lwesu. Obo mbo tu Ku lumba ku ciindi cimbi ceelede ca kuboola ku zokutaukila baabo babulide. Lino Nda kumbila kuli Nduwe, Leza, kopa kubula kwesu masiku ano kweendelana a cisyomezyo Cako. Mu Zina lya Jesu twa cilomba. Amenii.

² Twa botelwa loko masiku ano kuba a coolwe caku boola ku cikombelo alimwi, ku—ku . . . a Makani mabotu a kubuka kwa Mwami Jesu. Alimwi Nda muka asyoonto. Nda kajisi kuciswa kwakali kuyandika kulanganya kufwambaana kuzwa okuya ku Michigan calino. Alimwi Mwami wacita cintu cigambya mpoonya buyo kuli nguwe. Ma, obo Mbwazi zintu zyoonse a kucibikka buyo. . . To elede Ku mwaambila; Uli zyi, Uli zyi buyo mbo cibede. Elyo aboobo tuli lumbide loko. Bantu beenda buzuba boonse kuboola okuno. Alimwi, mpawo, twa lumba nkambo ka ceeco. Lino, muta lubi i . . .

Sena teepu eyi ila teping'a? [Mukwesu Neville waamba, “Ni swichi ya malaiti yali waawo.”—Mul.] O, ni swichi ya malaiti. Nda bona.

Muta lubi i—i miswaangano mvwiki eyi iboola, Bwatatu masiku, a Munsondo iboola cifumo, alimwi Munsondo masiku. Ikuti kamu noliko, mu busena bweengelede, Ndi lizi kuti inga cababotela kuba a ndinywe kuno.

Elyo lino, ka mu ndikombela, mbuli Nda noinka koonse akoonse mu mugwagwa, alimwi Ndi langilwa kujoka lino.

³ Ndi yanda ku mulumba nyoonse nkaambo ka luyando lwanu a ziibalusyo ezyo nzyo mwaka ndicitila. Elyo mukwesu waka nditumina nsuuti kuzwa kunselelo ku mbungano niini kuya ku Georgia. Elyo—elyo balo bantu. . . Cila gambya buyo. Alimwi Ndi yanda kulumba abo bantu bakokuya ku Kentucky, abo mbo Nda kali abalo mvwiki yamana ku ciindi cakupumuna. Alimwi zyoonse Mwami nzya katu citila kuya, zipati, janza lya nguzu nzyo twa Mu bona, ezyo Nzya kacita.

⁴ Lino tula syoma kuti tuyo mubona alimwi lino, Nda joka buyo a kwiinda kuno, kwiinka kuya ku New York ku muswaangano. Okuya ku Mbungano ya Mabwe a Mukwesu Vick, katalika, Ndila syoma mu Vumbipati twenti faivi. Alimwi tu nooli kuno munsii, mazuba masyoonto ciindi kacitanaba.

Mpawo tula indamo alubo, kuunka ku—ku musanza ku Shreveport, Louisiana, a Mukwesu Jack Moore. Oko nku

Kupakulumba, mvwiki ya Kupakulumba, kuba kuya ku Shreveport. Ci bikkidwe aa boodi lya kuzibya twaambo, mbo Ndi yeeya, kasule kuya mu kwaambilizya.

⁵ Mpoonya tu langila kuba a bamwi beenzuma baku Musanza yamana Krisimasi. Alimwi tu nooli kuya ku Phoenix mu Mukazimaziba. Mpoonya a kulindilila ciindi cakwiinka ku masi aambi, kuti tubambe miswaangano yaku masi aambi. Bali mu kwiibamba lino, mweezi oyu wamana, Mukwesu Borders, kabalembelana magwalo koonse akoonse, zya lweendo lwa kwiinka ku nyika yoonse lwatalika buyo lino mbuli mbo tukonzya kullu bamba, pele twe elede kulindila zyeelelo.

⁶ I makamu aa bantu manji loko kuya, ta tukonzyi kuba njizya mu mayake; twe elede kuba kkazika aa buwa. Alimwi mpawo ziindi zimwi bala tandila kuvula, inga ula tandila kutasyomwa ku myeelwe, ziindi zimwi bunji kutandila mbuli zyuulu zili myaanda yosanwe. Abo mbantu bali cisela ca milioni yomwe mu muswaangano buyo omwe; kutali na mbangaye bakajanika ku muswaangano mu mazuba manji, pele kuswaangana komwe. Nywebo mulizi, kanjikanji bakambausi balabala kuti mbangaye bakaliko mu mvwiki zili musanu aimwi. Mwabona? Pele tu—tu bala buyo baliko obo buzuba, ciindi comwe. Alimwi cimwi ciindi inga taakwe busena bwaku bakkazika, nywebo mulizi, inga kubabikka buyo omo mu buwa.

Elyo twe elede kuba a ziindi oko imvula nko itawi a kupoomoka kwa mvula. Alimwi abo bantu kabakede kuya. . . Nda kabona banakazi kabakkede ku busena kuya a masusu abo alukidwe kaalengelela, bantu basamide kabotu, a kabakkede buyo—buyo omuya mu mvula buzuba boonse. Kabakkede buyo kuya, alimwi kaiwa loko buya, a kuzuma, a kulaba, a maguwo kaunga, alimwi balo kabanjilana koonse akoonse kulimbana umwi aumbi mbuli obo, kabakkede kuya ncobeni, kulindila mane wa boola kuzoba kombela. Mwabona? Lino, nywebo mulizi Leza ulalemeka lusyomo lwa musyobo oyu. Ula lucita.

⁷ We elede kucita cimwi kuti Leza a cilemeke. Nywebo mwabona? Amu Mu tondezye. Bantu bajisi zyoonse zya kapegwa buyo cabuteteete, kanjikanji taba. . . Taba—taba citi cintu kuli ncico, nywebo mwabona. Mweelede ku. . . I ncipego cipegwa buyo, obo mbwini, pele mweleede—mwelede kujana ku. . .

⁸ Ci boneka mbubonya obo, nywebo mulizi, mbuli mbo baamba, “Ikuti wa kazyalwa mu buvubi,” mwa kacimvwa eco, “to lumbi.” Pele na wa cibekekela, ula lumba bubotu bwa ncico.

⁹ Lino nywebo no bantu no muli ku mateepu mukati muya, inga Nda yanda kuti—kuti. . . Ndi yeeya kuti Nda. . .

Cifumo cino, mulumbe cifumo cino wali, kuli ndime, wali Mulumbe wansalensale mubotu wa mulimo wangu oonse; cifumo cino, mwabona, Mulumbe musalesale mubotu wa mulimo wangu oonse. Buzuba bumwi Ndiyo mwaambila mbo wa kaboola.

Alimwi Ndi lizi kuti zyoonse zya beleka kwa myeezi a myeezi a myeezi, kusikila kuli oyu Mulumbe omwe, kuswena kusikila kubusena obu. Eci cakali ciindi cakubikka nsonje, mwabona. Alimwi cili i . . .

¹⁰ Lino Nda syoma, na kulangila, kuti mwa cimvwa Citondezyo nco caamba. Mwabona? I Citondezyo ncizibyo cakuti Bulowa bwa kabikwa. Kutu, oyo muulo wakali kuyandika, a Leza, Jesu wakaubbadela oyo muulo kwiinda mukutula Bulowa Bwakwe Mwini. Wa kacita obo. Mpoonya, kuzwa mu buumi Bwakwe mwakazwa Muuya Uusalala. Mpawo Bulowa bwa bikkwa kuli nduwe, Muuya Uusalala Ncitondezyo cakuti muulo wabbadelwa; Leza waku tambula, alimwi eco nce Citondezyo. Amu yeeye, eco Ncitondezyo. Lino, kuli bantu banji batazi, bata—bata zyi Citondezyo kuti niinzi, mwabona. Alimwi we elede ku cibamba mbuli kuti taakwe ucizi, mwabona, kutegwa boonse bacimvwe.

¹¹ Mbuli kukambauka lufutuko, twe elede kukambauka lufutuko mbuli kuti bantu boonse, ndulwabo bantu boonse, kakuli, tu lizi kuti taluli boobo. Twe elede kukambauka kuponesegwa kwa Buleza kuti nkwa bantu boonse, nekubaboobo tu lizi kuti taluli obo. Mwabona? Jesu waka boolela ku zofutula baabo bakali mu Bbuku Iya Lununuko nyika kiitana lengwa. Wa kaboolela buyo ku zofutula baabo. Na mbaani, Ta ndizi. Mwabona? Pele nywebo. . . Taakwe ukonzya kuba a lusyomo cita mane wati nca oonse uyanda; alimwi mbombubo, taakwe bakonzya kuboola cita Leza wabaita. Obo mbwini. Aboobo mbanji loko bantu bata kafutulwi. Tu lizi obo. Balo, ee, Leza wakalizi eco nyika kaitaba, kuti taba kafutulwi.

¹² Mbanji bata kaponesegwi, mwabona, banji taba kaponesegwi. Taba konzyi buyo, taba konzyi ku cimvwisya. Ta bazyi kuti ncinzi. Banji bayooba. Pele tula cikambauka kuti nca boonse, nkaambo ta tuzi oyo muntu kuti nguni; ta tuzi buyo. Pele nca boonse bayanda, pele bamwi bantu ta bakonzzyi buyo kumvwisya lusyomo olu.

¹³ Lino, ncimwi buyo a Citondezyo eci. I Citondezyo, twa kaambaula aa Citondezyo ciindi coonse cikubwene, pele lino nciindi cakulibonya kwa Citondezyo. Mwabona?

¹⁴ Lino, ciindi cimwi twa ka cizumizya. Bana Luther baka cizumizya, “Kutambula Ijwi; kutambula Kristo kuba Mufutuli wako.” Bana Methodisti bakati, “Ikuti na wabotelwa loko cakuti woongolola, Nce cico.” Bana Pentekoste ba lati, “Kwaambaula mu myaambo, nkokuti ka Ci jana.” Alimwi twa kajana kuti zyoonse zyakali lubide. Mwabona?

I Citondezyo ngu Citondezyo. Nduwe a Kristo mbuli bantu antoomwe. Mwabona? Ngu Muuya Uusalala, Buumi Bwakwe muli nduwe, kabeleka Buumi Bwakwe—Bakwe Mwini kwiinda

muli nduwe. Alimwi nca bavubi, bacete, na kufumbwa uyo citambula. Lino amuyeeye, Citondezyo nce ncico ncomu. . .

¹⁵ Wa inka kuya kutantilwa citima nkabela wabbadelela lweendo lwako. Kuli muulo, kubbadelwa. Na twaambe kuti cibbadelwa maseenti ali makumi osanwe kutanta lweendo olu—olu lwa bbasi, mu nzila ya citima, kuzwa kokuno kusikila ku—ku Charlestown, Indiana, citola maseenti aali makumi osanwe. Ee, lino, eyo kkampani ilabika zitondezyo kutegwa. . . Mwabona? Lino, cintu nco cita, ulainka kunselelo nkabela muntu umwi ula bbadelela lweendo lwako, maseenti ali makumi osanwe. Bala kupa citondezyo cikuzumizya kukwela eco citima kusikila nkociya, kufumbwa citima nkociya. Mwabona? Cila kupa. . . Nce citondezyo.

¹⁶ Lino, mu kaambo aka, bulowa bwakali nce citondezyo. Mubwini, bwa keelede kubikkwa, nkaambo bwakali buyo bupange mboba kajisi, nkaambo bwakali bulowa bwa kabelele, munyama, bulowa bwa kabelele. Nkokuti buumi bwakali mu bulowa, buumi buya bwakazwa, mpoonya bulowa bwakatika. Mwabona? Buumi bwakazwa, pele tii bwa kakonzya kujokela aa musyomi, nkaambo munyama. Pele ca kaamba buyo manjezeezya mabotu, kuti kwakali kuboola Umwi, Cituuzyo cilondokede.

Elyo, ku cibamba Umwi kuti alondoke, Mubetesi lwakwe, Leza waku Julu, wakaba Cituuzyo; Mubetesi, Sikukosola twaambo, alimwi Sikutwaambilila. Mwabona? Wa kaba Cituuzyo. Alimwi mpawo cindi Buumi Bwakwe nibwa kazwa, obo bwakali Leza. . . A ibbala kuya, awo mpo liboola, “Alimwi Njo obapa Buumi Butamani.” Lino, mucu Griki. . . Ndi lizi Nda amba kuli basilwiiyo bapati. Ndi bona bobilo na botatwe. Mwabona? Elyo Nda. . . Elyo bbala mucu Griki awo, ngu Zoe. Z-o-e, mucu Griki, caamba, “Buumi bwa Leza Mwini.” “Alimwi Ndi yoopa kuli nguwe Zoe, Buumi Bwangu Bwini.” Kristo a Leza bakali Bomwe.

¹⁷ Mpoonya, Buumi bwakali muli Kristo Muuya Uusalala, kutali Muntu watatu pe; pele nguwenya Muntu, mucuimo ca Muuya Uusalala, kaubola ali nduwe, mbuli Citondezyo kuti buumi bwako a lweendo lwako lwa bbadelwa, yebo wa tambulwa. Calo citondezyo eco kacita nasika, to zumizigwi kweenda mu mugwagwa mupati, yebo to zumizigwi kuba a. . . i mu—i mu nzila ya bbasi; yebo to zumizigwi kunjila kusikila mane wapa citondezyo eci, nkabela citondezyo eco ndweendo lwako. Alimwi lino Citondezya kuti Bulowa bwa tilwa a kubikkwa kuli nduwe, muulo wabikkwa kuli nduwe, alimwi uli jisi Citondezyo cakuti Bulowa bwa bikkwa kuli nduwe elyo yebo watambulwa. Mwa cimvwa lino? [Mbunga yaamba, “Ameni.”—Mul.] Oh, ma! Oh!

18 Lino—lino, kutali buyo cizibyo cimwi. Mwabona? Mu lati, “Mukwesu Branham,” Ndila cimvwa mu miyeeyo yanu, nywebo mwabona, “nkaambonzi nce Ndiyo ziba?”

Amulange, obo mbo mwakabede, a obo mbo mubede? Kuli nzila mbo muziba. Mwabona? Ino wakali buti eci Citondezyo kacitana kubikkwa? Ino uli buti Ca mana kubikkwa? Ino kuyandisya kwako kwakali buti kakutanaba, alimwi kuyandisya kwanu kuli buti kwamana? Mpawo mula ziba na Citondezyo cili bikkidwe na pe. Elyo zintu zimbi zila unka buyo cakuli citikila a kuunka a Ncico. Mwabona?

19 Ta—ta cili mbuli ku caambaula buyo, akuti, “Myaambo nce cizibyo.” Lino, Njo bweza, kuula mabbusu, mulaka talili ndebbusu. Luboola aa bbusu, mwabona. Luboola buyo aa bbusu. Mwabona? Lino, ncimwi buyo a Citondezyo. I Citondezyo ngu Kristo. Pele kwaambaula mu myaambo, a kutanda madaimona, a kucita zintu ezyo, a kukambauka, kufumbwa, ncizibyo cakuti Nko cili, mbwini, pele ta cili—ta cili Ncico. Mwabona, ncipego ca Ncico. Na Nda mwaambila kuti . . .

20 Yebo wati, “Ndi—Ndi yanda nduwe, Mukwesu Branham,” alimwi Nda kupa cipego, mwabona. Mbubo, eco tacili ndime, eco ncipego cangu.

Myaambo ncipego ca Muuya Uusalala, kutali Muuya Uusalala; ncipego ca Muuya Uusalala.

21 Elyo dyabulosi inga wa ziiya zyoonse zya zeezi, pele ta konzyi kuba Muuya Uusalala. Mwabona? Inga wa ziiya zyoonse ezi zipego, pele ta konzyi kuba Muuya Uusalala.

Elyo Muuya Uusalala Ncitondezyo cakuti Bulowa bwa kabikkwa, nkaambo Ci tobela Bulowa ciindi coonse kuzwa ku Bbuku Iya Lununuko. Mwa cibona? Ayo akali nge makanze a kuboola Kwakwe. Eco ncencico Nca katobela eco mu makkalo oonse. Mu makkalo oonse Wa katobela eco, kubona kuti Ca tondezegwa, alimwi tiiba kakozya kulondoka kakunyina ndiswe. Alimwi lino Muuya Uusalala oonse kuuswaya Mbungano, kucita Leza kuba mu mubili wabantu; Mbwa kacita kuya ku Sodoma, kaitentwa kuya, oyu wakali mukozyanyo. Mpoonya, Abrahamu, Wa kalibonya kuli nguwe.

22 Elyo zintu zyoonse Nzya takacita muciiindi coonse ca makkalo, aa mbungano oonse, lino Ula zicita. Kujokela ku Ijwi, nkaambo milumbe a milumbe a milumbe ilelede kumaninina mu Ijwi lyoonse. Alimwi mu mazuba aa mamanino, kujulwa kwa Zinamatizyo zili Musanu azibili, zyakali zya kubweza zyoonse zisyaalizi muli ndilyo, a kucita cintu mbocizulwa kuba mubili omwe mupati wa Nabwiinga, kuti abo baka pona kaindi kuya tiiba kalondokede mane Mbungano eyi ikalondolwe ibe, eyi nkamu ya Nabwiinga mu mazuba aa mamanino, ku baleta mukati, alimwi mu nkamu ku kubwezegwa. Mwabona?

23 I Citondezyo, Jesu Kristo, i Muuya Uusalala, uli aakati kesu. Twe elede kulemeka eco. Ta—ta—ta—ta tu konzyi kulibombya bweelede. Kugwisya mabbusu aako, na kufugama, ta cikonzzyi ku citapula; inga ta cikonzzyi—inga ta cikonzzyi ku cikikutya, ta cikonzzyi kukkwanya kubula; pele buumi obo buzyala mucelo wa Muuya!

24 Lino mucelo wa Muuya niinzi? Mwabona? Luyando, lukondo, luumuno.

25 Amuyeeye cifumo sunu? Kulibambila, wakatuma mutumwa umwi a Mulumbe. Cintu cicilila Nca kacita, Na kamana kutuma mutumwa a Mulumbe, Wa katuma Musumpululu wa Mulilo kuba kusimpikizya. Cintu cicilila cakali, nikwa kamana eco, yakali nkamu ya- . . . na kuumbulizigwa. Mwabona? Mwa kalizi kuti cakali luleme, wakali mu luumuno. Tu jisi luumuno a Leza, kwiinda mu Mwami Jesu Kristo. Mwabona?

26 Lino ano masiku tula kombela balwazi, alimwi Ndi yeeya kuti bali jisi mulalilo. Sena—sena mulaba aa lubapatizyo, mulimo wa lubapatizyo? [Mukwesu Neville waamba, “Peepe.”—Mul.] Mulalilo buyo, mulalilo. Alimwi tu yanda kuti mulindile mulalilo.

27 Elyo mu—mu maminiti ali makumi otatwe aosanwe ma makumi one tu kanza kumanizya a kulibambila ku mulalilo. Alimwi eno, junza bunooli Buzuba bwa Basimilimo, nkokuti inga mwajana kulyookezya koonse. Lino, Nda amba kuti ayo ali makanze esu, nywebo mwabona. Ta tuzi na nciindi nzi. Ndi yanda kubona kuti eci calulamikwa.

28 Lino, sunu cifumo Nda mwaambila, mu kutaba a ndinywe, Ndi—Ndi yeeya kuti twa kajisi Mulumbe umbi wa maora otatwe na one cifumo cino. Pele—pele Nda—Nda talika buyo, alimwi Nda li kuyeeya kuti eco inga Nda zumanana a ncoico masiku ano, pele cali buyo cibotu loko. Ta ndizi na bantu ba cimvwisya na pe. Nda syoma bala cita, ku masena oonse. Alimwi Ndi yeeya kuti bali kucibweza mu mateepu kabotu, kutegwa inga catolwa ku masena, kuti cizibwe, eci Nda syoma, Mulumbe oonse oyo ngo Nda kasola kuleta, eco cimaninizyo cakasalwa aa Leza, kunze lya i . . . Mubwini, kutumwa kwa lyoonse, mbuli Zinamatizyo zili Musanu azibili azimwi, elyo lyakali Ijwi lya Leza ligaminina. Nda ambaula zya Mulumbe wa kukambauka; Ndi syoma kuti oyu wakali ngo nguwo, mwabona, oyo—oyo, ngu wa keleede ku ccilila ezyo Zinamatizyo zili Musanu azibili.

29 Lino amulange eco ciboola kwamana Zinamatizyo zili Musanu azibili: kukamantana kwa bantu, zitondezyo zikamantene, mimuni isalala pyu kaimweka mu mazuba aa mamanino, citondezyo ca banakazi kabaya bubota kwiinda, a baalumi, nco baya kucita. Zyoonse ezi zitondezyo zya Muuya Uusalala kazipa kuzibya, mpoonya awa kwaboola ncobeni kubikkwa nsonje kwa Milumbe yoonse eyo kuzwa ciindi ca

Zinamatizyo zili Musanu azibili. Cila bikkwa nsonje muli ceeci comwe, Citondezyo, cakuti tuli kabotu, mwabona, atu lilingule buyo tobeni a kubona ikuti na tuli mu Lusyomo.

³⁰ Lino, Mwami amulongezye. Elyo lino katutana ku—ku katutana jula mu Bbaibbele, kukombela balwazi. . . Twa buzya sunu cifumo, kuti mbangaye baka kombelwa masiku Munsondo yainda, abo—abo—abo ba kaponesegwa baka ponesegwa kale mu mvwiki eyi, ba kaponesegwa kale mu mvwiki eyi, alimwi kutandila boonse batambika maanza abo, abo bakali ku muswaangano masiku Munsondo yainda. Lino, ncintu cimwi, mwa mvwa. Cintu cimwi eco. . . Mbo cibede, Ndili mukuli jatila eci.

³¹ Kwakali kalombe, ako kazwaa kwaambwa, kuzwa ku musanza ku Chicago, muniini Muka. . . Sa mukaintu oyo, Peckinpaugh, Peck- . . Muka. Peckinpaugh kuzwa—kuzwa. . . Ngu mucizi mubotu loko Munakristo. Alimwi wakaleta umwi, i—i mwana, nzila mbo Ndi cimvwa, mulombe muniini na cintu cimwi, kuti—kuti i. . . i madokotela teebakazi akwalo eelyo lyakali penzi kuli nguwe. Mapunga aakwe akali mabi loko, na cintu cimwi, cakuti—cakuti tiiba kakonzya kucita. . . tiiba kakonzya ku mutola ku cikolo na cintu cimwi. Wa kali muciiomi, cibyaabi loko, loko. A kuti, Muuya Usalala niwa kamana buyo Mulumbe, wa kaambaula ku kalombe kaya, a kukaita, a ku kumwaambila malwazi aakwe a zimwi, a kwaamba kuponesegwa kwakwe.

Elyo mvwiki ino wakainka, banyina na bazyali, na kufumbwa mbwa kabede, waka mujosya kuli dokotela, alimwi dokotela wakati ujisi mapunga aambi mapya, mwabona, mapunga aambi mapya. Alimwi nzila mbo Ndi mvwa, kuti i—kuti bazyali na muntu umwi wakaumya luwaile kuzwa kule, na kumwi, kucizibya ku mbungano. Mwabona? Lino, Leza, Mulengi, inga wapanga mapunga aambi.

³² Ndi—Ndi la syoma ncobeni kuti tuli a—a ku manenekela aa cimwi ca zintu zya nguzu loko eco cakasola kuuma nyika kuzwa mu mazuba a Mwami Jesu. Mwabona? Mwabona? Pele lino inga twazibwa buyo mbuli. . . Cinooli mu bubombe loko. Mwabona? Mwabona, muntu ncaamba kuti *ncanguzu*, Leza ulacaamba kuti “ncisesemyo.” Pele muntu ncaamba kuti *mbufubafuba*, Leza ucaamba kuti “ncanguzu.” Mwabona? Nkokuti lino amu cilangisye, mwabona, ciyooba mububombe loko cakuti toka sweekelwi. . . kuti uyo sweekelwa ikuti na tojisi Citondezyo cakuti ucilingule, nywebo mwabona. Mwabona?

³³ Nguni wakali kukozya kuyeeyela kuti malundu ayo sotauka mbuli tugutu tuniini twa mbelele, a matuvu akali kukamba maanza awo, ciindi munsinsimi na kaboola kuzwa mu nkanda; eco ca kaambwa a Isaya, myaanda ili kkumi aibili. . . na myaka ya myaanda ili ciloba ili kkumi aibili kacitana citika. A malezu

ku busyu bwakwe boonse, a cikutu cambelele, kakutakwe akwalo a cikambaukilo cakukambaukila wo, wakatandwa ku mbungano zyoonse, kaimvwi kuya ku nkomwe ya Jordano, kaongolola, “Amweempwe!” Alimwi akwiita bantu kuti inkamu “ya bacipile,” inzoka. Pele obo Leza mbwa kaamba, kuti A kuboola, “malundu ayo sotauka mbuli tugutu tuniini twa mbelele.” Mwabona? Babombede baka cibona a kubotelwa.

³⁴ Ino inga bamvwisya eco...oyo Mesiya mupati, oyo wa kasinsimwa kuzwa nkoonya ku matalikilo a Bbuku, mu Matalikilo, kuti Uyo boola, Mufutuli? Zyoonse zituuzyo, a boonse basinsimi, a zintu zyoonse zyakali kutondeka kuli Nguwe. Alimwi mpawo Na kaboola, cakayeeyelwa kuti kuzyalwa kutaluleme; wisi katana aa kukwata akwalo kuli banyina Bakwe, cakuyeeyelwa. Mwabona? Alimwi mwanakazi wakajanwa kamitide mwana kabatana aku kwatana. Alimwi Wa kaboola munzila ya musyobo oyo, a kuzyalwa i—i kaniini. . . Ee, lyaamba kuti cilido, mu Bbaibbele. Pele cilido mu mazuba ayo yakali mpangala i kunze—i kunze lya bulambo. Nda kaswana busena buli boobo kuya mu Arizona ciindi cimwi, nke vwima. Kwakali cilido kuya kungsi lya golonkolo ilya mabwa. Alimwi obo Jesu mbwa kazyalwa, kaindi mu cilido eci ciniini ca golongolo mulidwa mujisi bwizi bwa banyama a makuba, mu cimpatu ca ng’ombe, mwabona, oko nko zyakabede zinyama.

³⁵ Elyo wa kakomezegwa mbuli Mugwasayi wa mubezi, alimwi oyo inga Waba buti Jehova singuzu? Pele Wa kali nguwe, mwabona. Wa kali nguwe. Mwabona? Musyobo umwi uugambya wa Muntu. Pele, oh, Na kacili buyo Mulombe, Wa kagambya bapaizi maningi kwiinda mukuziba Ijwi. Ku kaambo kanzi? Wa kali Ijwi. Mwabona? Wa kali Ijwi.

Taakwe naka lembe bbuku. Taakwe naka lembe i—Taakwe naka lembe bbala. I bbala buyo Ndyas kasola ku lembe, Ndi yeeya kuti, Wa kali mwaya, a—a musenga, cindi mwanakazi naka tolwa mu bumambe. Taakwe naka lembe bbala. Nkaambonzi? Wa kali Ijwi. Mwabona? Wa kali Ijwi. Ta keleede aku Li lembe; buumi Bwakwe bwa kapona Ndilyo. Wa kali Ijwi. Ikuti na Wa. . . “Ikuti na ta Ndi citi milimo ya Taata Wangu, muta Ndi syomi.” Mwabona? “Ikuti na ta Ndi citi mbubonya Ijwi mbo lyaamba kuti Ndi yoocita, nkokuti ta Ndili Ijwi. Pele ikuti na. . .” Eco nce nceico Nca kali kwaamba. Walo ndi Ijwi.

³⁶ Nkokuti lino kamu libambila ku—ku muswaangano wa kuponya uzabuza a mulalilo. Inga twa botelwa nkambo ka ndinywe kuba a ndiswe ikuti mula konzya. Ikuti na ta mukonzyi, tu laba a kumwaisigwa ndyoonya buyo.

³⁷ Elyo muta lubi, mu ndi kombele alimwi mu kombele mukaintu wangu, mukaintu mubotu loko nyika mbiizulwa, a—a bana bangu. Alimwi eno Nda ka bataminina, boonse babo, kuti babe ba Mwami Jesu.

³⁸ Lino, Becky uli aciimo caba “ricketta,” nywebo mulizi, alimwi mbuli buyo i—i “mukubusyi annie,” mbuli mbo twali kwiita. Alimwi mpoonya ulaa ciimo nciconya. Pele, lino, musimbi mubotu loko, alimwi Ndi—Ndi lumba Mwami kuli ceeco; ta fwebi, ta nywi, ta tuntuliki, taakwe. Pele uli muciiindi buyo eco cakukomena, takwe—takwe acakulibilika. Nata yandi kuboola ku cikombelo, alimwi, na wacita, uukala buyo kuya kusule a kunyeela ccwiingamu, wanyamuka wazwa anze. Obuya, mwabona. Ndi yanda kubona kuti wazulwa Muuya Uusalala.

³⁹ Ndi yanda kubona Joseph, Ndi yanda mulombe ulya... Ndi syoma kuti bumwi bwa mazuba Ne ntakonzyi limbi kweenda kuya ku cikambaukilo, Ndi yanda kuti ndi kabweze eli Bbaibbele likulukulu lyaka kulumpala a kulipa kuli nguwe, akuti, “Joseph, kokkala a Ndilyo, mwana.” Mpoonya Ndi nooli bambilide kuya butanta. Ndi yanda kuyomvwa muuwo kaunga kumwi, kulanga mujulu, a kutambika janza lyangu, a kunyamuka cakubinda.

Atu paile.

⁴⁰ Taata Leza, buumi bwesu boonse buli vungaidwe muli Ceeci, nkambo Ndo Nduwe, alimwi Nduwe Buumi bwesu. Lino kuli bamwi ano, Mwami, abo—abo bajisi Citondezyo eci Nci ndali kwaamba. Baka bweza eco Citondezyo, nekubaboobo bali cisidwe. Alimwi Ndi yanda kwaamba masiku ano mu kubapa camba, ku—ku bayumyayumya kubweza nguzu zya Leza zipedwe. Bali jisi nguzu zya kuzunda dyabulosi oyo. Wa kazundwa kale, alimwi uba konga buyo. Nda taminina, Taata.

⁴¹ Lino ko ndigwasya kwaamba Ijwi. Ko waamba kwiinda muli ndime, Mwami, a twaambo tusyooonto nto Nda lemba aapepa awa, a Malembe masyooonto nge ndalemba aabusena. Nda kumbila kuti Undi gwasye, Mwami, a kunjila mu Ijwi a kubapa lusyomo ku bulemu bwa Leza. Mu Zina lya Jesu Nda kumbila. Amen.

⁴² Lino cakufwambaana, Ndi yanda kuti mujule mu Bbaibbele mu Bbuku lya Jeremiya cipati ya 29, na mu yanda kubala. Na, ikuti na tamu yandi, amu ceengele buyo. Jeremiya, cipati 29. Tula talika kubala aa kampango ka 10 ka Jeremiya, kampango 10 ika capita 29. Alimwi, tula bala muli Luka, cipati ca 16, kutalikila kampango ka 14.

⁴³ Lino Ndi yanda ku mupa cibalo cangu, kuciindi nomu—nomu—nomu vununa. Cibalo cangu masiku ano ngu *Ikupengana*. Elyo Ndi...Kupengana, alimwi, lino, nywebo mulizi ikupengana kuti ninzi.

Lino tula bala muli Jeremiya cipati ca 29, kampango ka 10.

Nkambo mbuboobu mbwaamba i MWAMI, Kuti myaka ili makumi aali musanu aabili ni zoomana ku Babuloni Njo muswaya, aku zuzikizya ijwi lyangu bbotu kuli ndinywe, mukucitya kupiluka ku busena obuno.

Nkambo Ndi lizi miyeeyo eyo Nje yeeyela ndinywe . . . (Sa eco tacili cibotu?) . . . mbwaamba MWAMI, neiba miyeeyo ya luumuno, teensi mibi pe, ku mupa mamanino a kutambulwa.

Mpawo mu yoondiita, alimwi muyo inka ku ndikomba, nkabela Njo mu swiilila.

Elyo muyo ndi yandaula, a ku ndijana, cindi mwaaku ndiyandaula a moyo wanu woose.

Elyo Njo janwa kuli ndinywe, mbwaamba i MWAMI: nkabela Njo lobya buzike bwanu, alimwi Njo mu yobolola kuzwa kuli zyoonse . . . zisi, a ku masena oonse nku Nda ka mutandilide, mbwaamba i MWAMI; alimwi . . . njoomuboozya lubo ku—ku busena obo mbu Nda kamucitya kutolelwa ku buzike. Kujoka ku pentekoste!

Nda bikka eco, lwangu. Ta lyaambi obo. Eco nce Nda kali kupandulula ku Mbungano.

Luka 16, kotalikila kampango ka 15, na kampango ka 16.

I mulao a basinsimi zyakaliko mane kuli Johane: kuzwida ciindi eco bwami bwa Leza bula kambaukwa, nkabela bantu boonse bala bunjila ca kulisungilizya.

“Muntu oonse ula lisungilizya muli Mbubo.” Kutali buyo kweenda muli Mbubo, mu buubauba, pele Kwalo kweleede kuba ku lisungilizya. Mwabona? Lino, “Mwaku Ndi yandaula a myoyo yanu yoonse, mpawo Ndiyo janwa.”

⁴⁴ Elyo Wa ka syomezya kuti Uyo joka a kuleta bantu, mu masena oonse nkoba kamwaisidwe aa nyika, kwaa kumana myaka ili makumi osanwe aabili, kujoka kuya ku Jerusalemu nkoba kazwide; alimwi Wa kacicita mbubonya. Obo mbombubo.

⁴⁵ Lino tu lambaula aa—aa *Ikupengana* kwa ciindi cisyoono lino. Kanjikanji, cibweza kusyanikizigwa, kutuleta mu kupengana. Mwabona? Ncibi loko kuti ceelede kucita boobo, pele bantunsi mbatolo maningi mu miyeeyo yabo, cakuti cibweza kusyanikizigwa. Cintu cimwi cacitika, alimwi ciindi bacita, mpoonya ci—ci labaleta mu kupengana. Alimwi masimpe mu kucita, eci mu kupengana, cileta ciimo cini cambobede. Ci tondezya mbo pangidwe, mu ciindi ca kupengana. Kanjikanji cisomona zintu zibotu zili muli nduwe.

⁴⁶ Mu cindi ca lufu, Nda kamvwa bantu niba kaziba kuti bali mu kufwa, zintu nziba kasiside mu maumi abo oonse, balo, mu kupengana, bakali kusola kuzyaamba. Mwabona? A kusola, “Kubweza eci a kucilulamika; koya, kaka; koya, ukacite,” mwabona, mu kupengana. Ba keleede kucita eco ka citanasika ciindi, mwabona, kutali kulindila mane ciindi cakusyanikizigwa. “Sena inga wandicitila *ceeci-a-ceeci*?” I

kusyanikizigwa kuleta kupengana. Kakuli, twe elede kucicita ka kwiina kusyanikizigwa.

47 Lino amubone, ano masiku, kuti tulya ziminizyo zya Pasika. Alimwi Pasika yakaligwa mu kusyanikizigwa, mu ciindi ka kupengana. Amubone mu—mu Kulonga cipati ca 12, a kampango ka 11 ya capita 12, Ndi lasyoma mbo cibede, ci laamba kuti, “Amulye Pasika oyu a nsangu zyanu ku mauulu, a zikungu zyanu kamu lyaangide, alimwi a misako mu maanza anu,” mwabona, mula ulya mu kupengana.

48 Baka bona janza lipati lya Leza. Baka bona oonse maleele Aakwe, alimwi ba kaboola kungsi lya cizibyho ca Citondezyo. Alimwi noba kacili kungsi lya cizibyho ca Citondezyo, ba kalya mulalilo mu—mu kupengana, nkaambo bakalizi ku ciindi eci Leza nakali aafwi kuuma a lubeta.

49 Elyo ca kali ciindi cakuzunganya. Ca kali ciindi muntu oonse nkwaakali kulilingula mwini, nkaambo Ijwi lya musinsimi kwiina nilya kakakilidwe neciba ciindi comwe. Lya kabonwa kuti lili bwini. Kufumbwa nca kaamba, cakacitika mbubonya buyo mbwa kacaamba. I Musumpululu wa Mulilo wakacili awo. Alimwi, mpoonya, munsinsimi wa kaamba kuti Leza Uyo indilila buyo aa kubona citondezyo a cikunguzyo. Alimwi kwakali kupengana.

50 Inga ndayeeya bana niba . . . cindi niba kabona ayo mababa aasiya mapati, kaababama aansu kuzwa ku mulengalenga mbuli busi kabukkalikila aatala lya muunzi, kulila kakumvwigwa kuzwa mu maanda oonse, bana ambweni bakainka kuli bamawisi akuti, “Taata, sena uli bwini kuti tuli kungsi lya citondezyo eco?”

Elyo inga wainka ku mulyango, a kulanga a munsede, cikunguzyo, akuti, “Musankwa, eco cileendelana aa Ijwi Lyakwe.”

“Koyeeya, Ndi mwana wako mupati. Taata, sena uli masimpe?”

51 “Ndili masimpe! Eco cileendelene kuli eco nca ka twaambila musinsimi, alimwi uli jisi Ijwi lya Mwami. Wa kati, ‘Cindi Nda akubona bulowa, Ndiyo indilila. Amu bweze kabelele ka muunzi.’ Nda muleta mukati nyoonse no bana. Uli mwana wangu mupati, pele mwana mutaanzi. Ngo nguwe uli mukufwa kuya masiku; pele *mboobo* bulowa. Obo mbombubo MBUBOObU MBWAAMBA I MWAMI mboya kabede. Aboobo kolyookezya, mwana wangu, kolyookezya buyo mu buumuzi, nkaambo Leza wakapa cisyomezyo. Mwabona?”

“Ee, Bataata, nkaambonzi nco musamide nsangu zyanu? Nkaambonzi nco mujisi musako mu janza lyanu? Nkaambonzi nco mujisi kabeela ka cinkwa mu janza lyanu alimwi anyama ya kabelele ku janza limwi? Nkaambonzi ezi zisyu zilula a zimwi?”

Nkaambonzi nco muzilida? Nkaambonzi nkasaalo ilaloka ku busyu bwanu?”

“Musankwa, lufu lulimu kusika.” Mwabona, cakali mu ciindi ca kupengana.

⁵² Lino, Ndi lasyoma kuti tupona mu mazuba ayo notuli. . . Na, munzila imbi, mazuba nge tu ponamo aleelede kuleta Mbungano cakumanina kunjila mu kupengana. Ndila syoma, kuzwa mulumbe wa cifumo sunu ikuzwa kuli Leza, kutali kuli ndime, Ndila syoma kuti ceelede kunjizya mbungano eyi yoonse mu kupengana, kuti twa sobana kwa ciindi cikubwene. Twa inka ku cikombelo kwa ciindi cikubwene. Twe elede kucita cintu cimwi.

⁵³ Ino cili buti kuti tubona zitondezyo zipati a zigambyo kucitwa ali bamwi, ino swebo? Ce elede kutubika mu bube bwa kupengana, kuti tuli kanzide, kumbele lya Leza. Zitondezyo zya Kuboola Kwakwe zyelede kuleta mbungano yoonse, cindi ni twa bala kuzwa mu Ijwi. . . I Muuya Uusalala wa twaambila, “Kamuya ku busena bumwi, cintu cili *boobu-a-boobu* ciyo citika,” kutali ku twaambila kuti ncenzi, pele ciyo citika. Twa inka kuya, cila citika mbubonya. I mitende ilacibweza, a ma magazini alacibweza, kutondezya cifwanikiso ca ncico. Kujoka kuno a kubona makani ayo mapati aasisidwe, akasiswa mu Bbaibbele, kuyubununwa kuli ndiswe, ku mutabi mupya wa kwiiya oyo ngo twa takalina ziba, a kumaninina kuba muciiimo ca Kuboola kwa Mwami Jesu.

⁵⁴ Mpoonya, ku mamanino a Milumbe, kubona kubeleka kwa Muuya Uusalala, ku Mu bona kaboola kalibonya kumbele lya bantu, a kubweza cifwanikiso ca Nguwo. Kubona ka Uu beleka kutondezya kuti tali muntu, tali buyo mukambausi, kuti taili mbungano imwi. Ngo Muuya Uusalala mupati kau tondezya mbubonya cintu nciconya Nco cakacita Ni cakaba mu bube buboneka mu mubili wa Jesu Kristo. Lino Uli mu bube buboneka bwa Mubili wa Nabwinga Wakwe. Ce elede kutuleta mu kupengana.

⁵⁵ Abo bantu bakabona janza lya Leza. A busiku obo bwa mulalilo, bakaulya a . . . mu kupengana, nkaambo bakalizi cintu cimwi cakali kuyanda kucitika. Alimwi tu lizi kuti cintu cimwi ciyanda kucitika. Alimwi amuyeeye, Kuboola kwa Mwami kunooli mu kubinda, kwiinka kwa kutabonwa. Uyo boola kuzo Mu bweza mbuli mubbi masiku. Alimwi kuyeeya kuti na umwi, cakubinda, kuli mamembala a mukwasyi wesu baunka, alimwi wasyala! Ce elede ku tuleta mu kupengana, kuti, kwiinda mu luzyalo lwa Leza, ta tukasyaali musule. “Ikuti kuli nce Ndi tayandi. . . Uta, uta ndisiyi, Mwami.”

⁵⁶ Mazuba masyoonto ainda Nda li kuswiilila Mel Johnson inyimbo eyi:

Uka ndiyeeye cindi misozi yano lokela aansi,
 iiyi,
 Uka ndiyeeye cindi beenzuma bata nooliko;
 Elyo cindi Nda kuzubuka mulonga oyu wa
 Jordano,
 Cindi Wa noiita kuzwa ku pepa lya bantu, uka
 ndiyeeye.

⁵⁷ Elyo aa Bbuku lya Buumi lya Mwanambelele, Ndi yanda kuti zina lyangu kalilembedwe. Ndi yanda kuti Aka ndiyeeye ku ciindi calwiito lwa lwakuzulwa bantu. Elyo ci ndinjizya mu kupengana, nkokuti, mbuli Paulo mbwa kati, “Nda mana kukambauka Makani mabotu sena Ndi yooba i—i bbwe lisowe, sena Ndi yooba i—i musowe?” Inga ca citika. Aboobo ci ndinjizya mu ciimo ca kupenga, kupengana, kuyeeya kuti, kwamana myaka yoonse eyi ya kukambauka, sa inga Nda—sena Nda konzya. . . i busena oko nko Ndi konzya ku Mu kacilwa? Ino nkubeleka nzi kutobela? Ncinzi Nce ndeelede kucita citobela? Elyo cindinjizya mu ciimo cakulibilika. Elyo ncinzi nce Ndi konzya kucita? Ci ndinjizya mu malundu a mu makkuti. Alimwi nciyumu, nkaambo, cindi Nda nooli a bantu, Nde elede kuba mubube boonse ku bantu boonse, kutegwa Ndi lete bamwi kuli Kristo, kwalo a Citondezyo eco lyoonse kumbele lyangu. Mwabona?

⁵⁸ Alimwi Ndi bona zintu ziboola, alimwi to konzyi kwaambila bantu. Ubona zintu zisiyenesiyene, alimwi ula kasigwa. Ezyo zilengaano nzyo baitila ku lugwasyo, alimwi ziindi zimwi inga bausa na wa baambila, alimwi ulizi kabotu kwiinda kucicita. Alimwi inga wasakana mu zilengaano kusikila zyoonse zyaba cilengaano, alimwi cikuleta mu ciimo cakulibilika. Wa—wa langa akuti, “Sena Ndili mu cilengaano?” Mbuli kukkala ano, “Sena eci ncilengaano? Ino Ndi imvwi ali eeni?” Mwabona, ula—ula indilizya kubeleka, ula liminya. Alimwi ubona zintu mu bantu nzyo tali kuyanda kuziba. Bantu aba bayanda ezi zintu, kuziba zintu ezi, ta bazi citola musyobo oyo wa mulimo. Ta muzi cicitika a ncico. Mpoonya ci kunjizya mu kupengana, “Mwami Leza, Ndi lizi kuti Ndiyo vwila kuli ceeci.”

⁵⁹ Jack Moore wakati kuli ndime cindi cimwi, “Ta ndiyandi kuyo vwiila mbuli mbayo vwiila, ku Buzuba bwa Lubeta.” Kati, “Leza wabikka bantu aba mu maanza ako, alimwi uyo ba vwilila umwi aumwi. Uyo vwiila ku mulimo wako.” Kwainda myaka iitandila kkumi ayosanwe, na ambweni kkumi aili lusele. Alimwi kuzwa eelyo, Ndili mu kupengana. Ino Ndiyo cita buti?

“Anda ambe eco buyo Nco waamba, Mwami. Andi baambile eco cili Bwini, na ku taamba cintu.” Ci ndinjizya mu kupengana.

⁶⁰ Mpoonya mu kubona zitondezyo ezi kaziboola, kubona Muuya Uusalala kututola kuya, a kuleta Zinatamizyo ezi, a kuzibamba omo mbuli obo. Kuleta Makkalo aa Mbungano a kwa

bamba omo, mpoonya a kuseluka mu Musumpululu wa Mulilo mupati ncobeni kaindi kuya, alimwi—alimwi kuliyubununa Lwakwe. Mpoonya kuboola ku cintu ciccilila, ku Zinamatizyo zili Musanu azibili, a kuciyubununa. Akwalo kuzibika mu mitende a ma magazini. Mpoonya a kuboola mukati akuzwa baangelo ba Leza, abo baangelo bali musanu ababili a Milumbe iili musanu aibili, a kwiitondezya mbubonya Bbaibbele mbo lyaamba. Mpoonya, mu ciindi eco, kaboola a kuleta Zinamatizyo ezyo...ezyo zitondezyo, zimweka zya ciindi ca mamanino, alimwi a kuzileta ku bantu akubaambila kuti niinzi, a zyoonse zya ncico, alimwi Mwami kabeleka mpoonya awo kuli tondezya kuti mpali Mwini. Alimwi mpoonya, nkoonya kunselelo mbuli sunu cifumo, waboola a kuyanda eco Citondezyo a muntu oonse. Mpawo, muli bantu bangu. Ndinywe mbo Ndi yandisywa, aba balo baswiilila ku mateepu, abamwi. Mpoonya inga mwabona kupengana nko kundinjizya.

⁶¹ Kupengana. Zitondezyo zya Kuboola Kwakwe zyeedele kunjizya oonse wa cibeela ca Kristo mu kupengana lino, kujatikizya buntu bwesu, kujatikizya zyaabube bwa buumi bwesu—bwesu—bwesu, twamana kufwa. Ee, ino ciyo tubeda nzi ikuti na twa vuba nyika yoonse? Ino tu, ino uponena nzi? Ino ubelekela nzi? Ino ulida nzi? Ncinzi nco belekela canguzu? Ku pona. Ino uponena nzi? Ku fwa. Alimwi to elede kupona kusikila weelela ku fwa. Obo mbwini.

⁶² Elyo tula bona maleele manji aa kuponesegwa, ce elede kutubika mu kupengana.

⁶³ Ikuti na oyo mulombe muniini...Sena Ndi langide kuli Muka. Peckinpaugh ino? Sena aba mba Muka. Peckinpaugh? Sena ndinywe mwaka boolede a mulombe kuno, na cintu cimwi cili boobu? Nkaambonzi, ngooyu mwanakazi ulikkede awa ngo Nda li kwaamba. Nda jana buyo kuti ndalanga koonse a ku mubona.

⁶⁴ Lino ikuti na Leza inga wacita eco ku mwana mulombe, ceelede kutunjizya mu kupengana.

⁶⁵ I mwaalumi uzwa ku New Albany, ambweni nkwali masiku ano. Mweenzinyina wa Mukwesu Roberson wesu. Wakajisi mulombe muniini kuno. Ndi yeeya kuti mukaintu wakwe wakajisi ikulenge cimwi ciindi alimwi wakaponesegwa. Alimwi—alimwi lino, oyu mulombe muniini ujisi kufundilila loko kusikila uli mu ciimo cibyaabi. Mwana muniini, waka jisi goyooyo lya tiimane kuligwa kkulenge, mwini. Mwabona? Alimwi mpawo wa kaleta mulombe muniini, iiyi, Nda bona janza lyakwe kutala kusule, kusule kuya, wa kombelwa sunu cifumo, nywebo mwabona.

⁶⁶ Kupengana! Mukaintu wakwe na tii kafwe ku kkulenge, wawalizi kuti Leza inga wa muponya. Alimwi kuti na inga Leza wa muponya mukaintu wakwe, Leza inga wa muponya mulombe.

Alimwi cibikka mu ciimo ca kupengana. Mwabona? We elede kuboola; alimwi wapengana, mpoonya Leza uyo kuswiilila. Pele ikuti na uli mutolo buyo to bikkila maanu, naa Ula cicita na pe, ee, nkokuti eco cilaandene. Waamba kuti ula cita, pele cibweza kupengana kuti kucicite.

⁶⁷ Ndi syoma kuti kaambo nce tu tajisi kupengana nkaambo ka kubula luyando, Leza, luyando lwa Leza. Ndi yeeya kuti luyando lwa Leza luleta kupengana. Ikuti na Leza uli muli nduwe, Citondezzyo mukati muli nduwe, alimwi wabona bube bwa ziindi mbozibede, a bantu kabaingaila mu zibi mbuli mbo babede, cila kunjizya mu kupengana. Ndi lasyoma kuti cila kunjizya.

⁶⁸ Lino Ijwi lilaamba antangalala, na uyanda kulemba eci aapepa, mu ba Galatiya 5:6, kuti, “Lusyomo lubeleka ku luyando.” Mwabona? “Lusyomo lubeleka ku luyando.” Alimwi inzila buyo njo konzya kuba a lusyomo, nkuba a luyando lutaanzi. Nkaambo, akwalo, lusyomo ngu camutunzya wa luyando. Camutunzya, obo—obo mbombubo lusyomo mbo lubede. Ngu camutunzya ku luyando. Lino, nywebo, ikuti na tamu jisi luyando, tamu konzyi kuba a lusyomo. Mwabona?

⁶⁹ Ino inga waba buti a lusyomo ku mukaintu wako na to mu yandi? Olu ndwa mu *buntunsi*. Lino buti kujatikizya mu *buleza*, kuli Leza? Inga caba buti na to yandi Leza?

Ikuti wa kaamba kuti ula muyanda mukaintu wako, alimwi to mwaambili kujatikizya ncico, a kukkala aansa a kumu citila luyando, ku lutondezzya kuli nguwe, ku mumyonta, kumu kumbata, a ku mwaambila kuti mujiki wiinda mu cisi, a zintu zyoonse nzyozi, ambwali mubotu, ambuli mbo muyanda; na to cita obo, taakwe nayooziba. Obo mbo cibeede. Ikuti na ula muyanda, ko lu tondezya.

⁷⁰ Obo mbo tu cita kuli Leza. Ikuti na tu la Mu yanda, tu la Mwa ambila makani aco. Tu la kkala a ku Mu lemeka, aku Mu komba. Elyo, amubone, luyando lutuleta kuli ceeco.

⁷¹ Lino ikuti na kuli cintu cimwi ciyandika kucitilwa mukaintu wako? Baa, inga cakunjizya mu kupengana kutegwa cicitwe. Ikuti na muntu umwi waamba kuti mukaintu wako ujisi ikulenge? Ikuti na muntu umwi waamba kuti mukaintu wako—wako ujisi TB, alimwi ulaafwi kufwa? Nekubaboobo, yebo, ula—ula cita kufumbwa cintu nco konzya. Wa bona, cila kunjizya mu kupengana.

⁷² Alimwi eco ncintu nciconya mbo cibede. Twe elede kuba a luyando katutana kuba a lusyomo. Alimwi lusyomo. . . Twa nojisi luyando lwini, lu citaanzi? Lutonta lusyomo lwesu kuya awo aa mbbuwa aalwaninwa nkondo ya Leza. Mwabona? Luyando lwini lwa buleza kuli Leza a lwa Ijwi Lyakwe a lwa bantu Bakwe, luyo tonkela lusyomo kuya. Luyando lujata buyo

lusyomo, a kuti, “Koboola, tweende!” Elyo lu lainka ku busena, nkaambo eco ncecico luyando nco lucita.

⁷³ Johane 14:23, Jesu wakati, “Ikuti na muntu ula Ndi yanda, unobamba Majwi Angu.” Lino to konzyi kubamba Majwi Aakwe kuti kota jisi lusyomo muli ceeco Nca kaamba. Nkokuti, mwabona, ikuti na ula muyanda Leza, mponya ula bamba Ijwi lya Leza. Ikuti na Wa amba kuti, “Ndime Mwami uukuponya,” ula cisyoma eco. Luyando lulapa kuti a cisyome, nkaambo luyando lule endezezya zyoonse. “Nekubakuti Nda amba mu mwaambo wa muntu nuuba wa Baangelo, kwamana nsijisi luyando, tacili cintu pe, mwabona. Nekubakuti Ndi lijisi lusyomo lwa kuzyula malundu, kwamana nsijisi luyandisyo, tacili cintu pe.” Luyando lule endezezya zyoonse, nkaambo Leza nduyando, Leza wa luyando. Lino, iyyi, munene! Ikuti na Jesu wakati, “Ikuti na muntu ula Ndi yanda, uyo bamba Majwi Aangu.”

⁷⁴ Tu lizi cili bwini kuti Leza uyoogwasya muntu upengede. Lino, toonse tul izi obo. Pele kanji cibweza cintu cimwi kututola muli eci, ku kubula bulangizi obo, ku kupengana. Ci bweza cintu cimwi kuti cicicite.

⁷⁵ Tu jana kuti, muli Jakobo 5:15, Bbaibbele lilati. “Kukomba kwa kusinizya kubeleka,” oko nkupengana, “kukomba kwa kusinizya kubeleka kwa muntu ululeme kuli aa nguzu zinji loko. Cindi muntu ululeme, muntu mubotu, naba mu kumyongwa,” na kuzwidilila kwa buntu, na kumyongwa, kufumbwa imwi. Ndi—Ndi yeeya kuti “kuzwidilila” ndibbala bbotu. Kumyongwa, na kuzwidilila, kufumbwa limwi ndo yanda kwiita. Pele na i—i—i moyo wanjila mu—mu kupengana, mu kumyongwa, kukomba kwa kusinizya kubeleka kwa muntu uukonzya kutondezya Citondezyo, kucita cintu cimwi. Mwabona?

⁷⁶ Amubone eco Bbaibbele mbo lyaamba awa akwalo, muli Jakobo 16, 5:16, lilati, na... “Twa lyaambilila zibi zyesu,” kululamika, kuli bambila kuli ncico, “twa lyaambilila zibi zyesu umwi aumwi ku mweenzinyina.” Ka kwiina—kwiina zibi... Kwa ambila bantu kuti bakupailile, kulyaambilila zibi zyesu kuli umwi aumwi, ku kombelana umwi aumwi. Mpaawo we. A luyando, luyando, kuti Ndi jisi kaanzambwene inga Nda lyaambilila kuli nduwe ku lubila kwangu; alimwi inga walyaambilila kuli ndime ku lubila kwako. Alimwi Ndila kuyanda loko kuti Ndila kupailila, alimwi wa ndipailila; alimwi twa kkala a ncico, a kukomba kwa kusinizya kubeleka, kusikila cavwiilwa. Oko, nko kupengana. Oko nko tweeledo kuba ako ciindi coonse.

⁷⁷ Atu bweze zikozyanyo zya Malembe zeezyo, eco cakacitika, lino, kuli ambi, kutandila maminiti aali kkumi aosanwe, kuti Mwami wayanda.

⁷⁸ Jakobo, wa kali mwaalumi, wa kali muniini mutaanzi. . . mulombe watakwe ancakali kulibilika. Wa kayeeya mu miyeeyo yakwe kuti wakalizi kuti bupati bwa kuzyalwa bwakali zintu zyoonse kuli nguwe, alimwi ta kabikkila maanu nzila mbwa kabujana, aboobo waka bujana buya. Alimwi na kamana ku bubweza, wa kayeeya kuti zintu zyoonse zili kabotu, nkaambo wa kajisi bupati bwa kuzyalwa. Wa kayeeya kuti caka sitikizigwa. Wa kaboola ku munyina nakafwide nzala, ciindi nakali kuboola kuzwa ku muunda, kuzwa mu kubeleka a ng'ombe a kuvwima munyama wameja aampanda. Alimwi munyina, wa—wa kali kuyanda mupika mupati wa musinza, nyabo zya musokwe a—a zimwi zyoonse antoomwe. Ambweni zyakali kunyomenezya loko na muntu uli a nzala, na kamana kweenda buzuba boonse. Alimwi munyina wa kati, “Ndi laafwi a kuwizuka. Ko ndipa zimwi zya zeezi.”

Elyo wa kati, “Mbubo, Ndi. . . ikuti na ula konkezya kuli Ndime kuti ndi bweze bupati bwakuzyalwa.” Mwabona? Ta aka bikkila maanu mbwa kacicita, aboobo waka bubweza buya. Alimwi wa kayeeya, kuti nakabweza bupati bwakuzyalwa, kuti ca kamana.

⁷⁹ Pentekoste, mpawo mpo mwakaalilwa! Mwa kayeeya kuti nkaambo mwa kazyalwa a Muuya, kuzyalwa a Muuya wa Leza, Bupati bwakuzyalwa, kuti caka cimana. Pele nkutalika buyo oku. Sena mula yeeya mu mulombe wa—wa *Amu Mu Mwwe*, nzila mwana, nakamana kuzyalwa mu mukwasyi, wakali mwana mulombe. Wa kajisi nguzu ku bupati bwakuzyalwa, pele wa keelede kubonwa, kuyiisigwa kwa bwana. Alimwi ikuti na taka tondezya kubusena kuba i—walo mwana uuswiilila ku luyando lwa wisi, nkokuti uleelede kuba, ee, taakwe na kajana i—i. . . ta kali i. . . sikukona. Kwiina nca kakona, nekubakuti wa kali mwana, pele kwiina nca kakona ikuti na taka bikkila maanu ku mulimo wa wisi.

⁸⁰ Alimwi mbubonya Muuya Uusalala niwa kaboola aa bantu ba Pentekoste alimwi ba katalika kuboozeya zipego a zintu zimwi zyakali mu mbungano; ba kayeeya kuti, nkaambo ba kazyalwa a Muuya, eco ca kamana. Pele, mwabona, kuli kubikkwa kwa mwana. Alimwi mwana oyu nakamana kutondezya kuti wa kali mwana ncobeni, mpoonya wakatolwa ku busena bwa buleya, elyo mpawo wakabikkwa mu busena bumwi, a kucinca zyakusama, a kubikkwa mu busena kuya; elyo mpawo kwakali ikubikkwa kwa mwana, kuti wakali sikukona wa zintu zyoonse bawisi nzeba kajisi.

⁸¹ Leza wakacita mbubonya ku Mwana Aakwe awo ku Cilundu Cakusandulwa. Wa kavunikilwa a. . . na kkumbi, alimwi wa kasandulwa, a zyakusama Zyakwe zyakabala mbuli izuba, alimwi ijwi lyakati, “Ngo oyu Mwana Angu Uyandwa Ngu nkondelwa muli Nguwe.” Musa a mulawo bakaalilwa. Lino oyu ngo Nguwe, “Amu swiilile Nguwe.” Wa kabikkwa. Mwabona?

⁸² Lino Jakobo waka yeeya kuti, nkaambo waka bweza bupati bwakuzyalwa, kuti zintu zyoonse zya kabambwa.

Mbubonya obo mboba kacita a bantu ba Pentekoste, alimwi ba katalika kulibunga, i—i babumwi, babutatu, bana triniti, amisyobo yoonse ya tubunga, a kukwankana a ku kwelana umwi aumwi, ba katondeezya kuti Citondezyo tiica kali kulibonya. Makanze mabi, munyono, inkazyanyo, mwabona, pele oko nko cakasika.

⁸³ Lino, amubone, Jakobo waka yeeya cintu nciconya. Pele mu buyoofu, bumwi busiku, buumi bwakwe bwini, kupengana kwa kamujata, na kayeeya kuti, “Kuya kutala a mulonga, mukwesu ulandi lindila kuti a ndijaye. Uyo cita.” Mwabona, bupati bwakuzyalwa mbwa kabweza, cakali nce cintu cali koyooleta lufu lwakwe.

Elyo ziindi zimwi ncoonya eco cintu nco tambula, mbuli Muuya Uusalala, Mbo ubede, alimwi wazyalwa lwabili a Muuya, na tolangisiyi, nciconya eco cintu ciyo kupa mulandu ku mamanino. Obo mbombubo. Ngaonya maanzi a kafutula Nowa, akanyonyona nyika. I cintu eco—eco nconga waita kuti nkwiindilizya antela inga caba cintu nciconya ciyo kupa mulandu ku mamanino aa lweendo.

⁸⁴ Lino Jakobo wakaziba kuti buumi bwakwe bwakwena ku mamanino. Kwa kasika mutumwa waka mwaambila kuti munyina, wali kuza kuzomu swaanganya, a myaanda yone ya baalumi basilumamba, wa kalizi kuti wa—wa kali mu lweendo lwakwe. Buyoofu bwa ka mujata. Wa katuma bantu kumbele lyakwe a musune, a ng’ombe, a mbelele kupa cituuzyo ca luumuno kuli Esau. Mpoonya, nikwa kamana eco, wa katalika a nkamu imbi ijisi mukuli uumbi wa zintu. Mpoonya wa katalika a nkamu iimbi ya mukuli wa zintu, kusola kumu swaanganya lutaanzi, kusola kugwisya bukali bwakwe. Mpoonya wa katalika kuyeeya, “Eci taci komukasya, nkaambo ambweni ulivubide kwiinda Ndime. Ta ziyandi ezi.” Mpoonya wa kabweza bakaintu bakwe a bana bakwe baniini, a ku batuma mutala, kutegwa Esau a babone bana basyoonto a bakaintu bakwe. Alimwi ncobeni bajwa bakwe baniini basimbi a basankwa, kuti nata kabajaya. Mpoonya, walo, nekubaboobo takakonzya kucicita. Leza ulizi mbwa konzya kubweza muntu. Jakobo wakazubuka kalonga. Okuya wa kafugama aa mazwi aakwe.

Nywebo mulizi, wa kali musyobo ubaanga musyobo wa mumpelenge muniini, kakutanaba eco. Mundijatile ku bwaambe, pele musyobo muniini. . . Wa kali Jakobo. *Jakobo* caamba “silweeno,” alimwi obo mbwa kabede. Pele kuli cintu cimwi ca keelede kucitika kuli nguwe. Okuya mu kupengana, kuya cindi lufu kaluli kumbele lyakwe. . .

⁸⁵ Ambweni kuli baalumi a banakazi bakkede masiku ano, abo, lufu kaluli kumbele lyabo. Alimwi nzila buyo njo ya

konzya kujana cintu cimwi nco yanda, nkuboola ca kupengana. “Nde elede kuba aco, masiku ano. Nda cijana eno, kwataba boobo Ndili manide. Juunza kulaba kumuka. Nde elede kuba anco lino!”

Cindi wa kombela lubapatizyo lwa Muuya Uusalala, Citondezyo, utaambi kuti, “Mbubo, lino Ndila inka kutala akuyo sola. Mwami, Mebo, Ndi mvwide kukatala asyoonto.” Oh, kaka, kokkala aa cuuno cako! Utasoli akwalo—utasoli akwalo kubamba ntaamo. Ikuti na waboola, a kuti, “Ndi yoinda mu mundando wa mipailo; babikka mafuta aa mutwe wangu, ndi yobona na cila ndigwasya kuli koonse,” inga ayebo wakkala awo mpobede. Mane kusikila usike aa busena awo, kusikila mbungano yoonse isike aa busena, bwaakati ka lufu a buumi, wee lede kuci Ta mbula lino na kunyonyoka, mpoonya Leza ulasika aa cilao. Ci bweza kupengana kuleta Leza aa cilao.

⁸⁶ Jakobo wakalila mbwa tanalilide. Mu kupengana wakaita kusikila wa kajata Leza. Alimwi na kacita obo, wa kasinana; kutali kwa maminiti ali kkumi aosanwe. Wa kasinana kuti abe a Nguwe, mu buntu bwakwe, masiku oonse; alimwi nekubaboobo wa kaziba kuti taaka jisi cilongezyo cakwe, alimwi wa kakonzya kujatilila kusikila mane cilongezyo cakasika. Wa kasinana ca kupengana kusikila mane cilongezyo cakasika. Mpoonya, naka bona. . . kusikila Leza wakasika aa cilao. Alimwi mpoonya, mu kubula bulangizi, “Ta ndi Ko kulekezya,” naka talika kumvwa kuti cilongezyo cili mu kuselukila ali nguwe.

Bantu banji ba lati, “Bulemu kuli Leza, Nda cijana lino.” Mpoonya awo uleenedwe. Iyi! Muntu umwi wati, “Oh, Ndi mvwa buyo kabotu, Mukwesu Branham, Nda kainka kuya a kupaila. Oh, kubimba kwa kandivumpa koonse.” Alimwi oyo ambweni wakali Leza. “Nda kabona mu mumuni mupati kumbele lyangu.” Ambweni acalo eco wakali Leza, pele eco tacili ncencico nce Nda mbaula.

⁸⁷ I Bbaibbele lilati, muba Hebrayo cipati ca 6, “Imvula ilawida baluleme a bataluleme, mbubonya buyo.” Lino, amubweze maila, alimwi mubweze a nsaku, a kuzibikka mu muunda. Alimwi imvula ituminwa buyo maila, pele imvula ilawida aa nsaku mbubonya buyo mboiwida amaila. Alimwi, imvula, a insaku zila botelwa a mvula mbubonya buyo mbuli maila, alimwi imvula njiyonya yomwe. Nguwenya Muuya Uusalala inga wacitya utasyomi kucita mbubonya mbuli musyomi mbwa cita. Pele kwiinda ku micelo yabo balazibwa; eco ncencico Nce ndaambaula, eco nce Citondezyo. Alimwi Da- . . .

⁸⁸ Elyo Jakobo, akwalo, mu kupengana, wakati, “Ndi lizi Nda ka Uu mvwa, Ula ano a ndime, pele Ta ndi Ko kulekezya.”

Muntu umwi ucibona kabotu, kunyanyamukwa kuniini kutaanzi, bala ima a kutalika kusotauka koonse a koonse, a

kuzuza atala mwakwiinda, a kuti, “Nda Uta mbula, Nda Uta mbula, Nda Uta mbula.” Oh, peepe. Huh-uh. Peepe.

Jakobo wakakala kuya kusikila cintu cimwi cakacitika, cakapa kuti ayende bwaandene, cakapa kuti abe muntu wandeene, nkaambo wa kalindila mane eco cacitika. Elyo wa kacikonzya . . . I Bbaibbele lilati, “Wa kazumanana kusikila wa kazunda.” Mbobuti muntu mbwa konzya kuzunda kuli Leza? Pele inga wacicita. Inga wacicita. Muntu inga wazunda kuli Leza.

⁸⁹ Ciindi cimwi kwakali muntu wali kutegwa Hezekiya, wa kaambilwa aa musinsimi, “MBUBOBU MBWAAMBA I MWAMI, ula fwa.” Hezekiya wakalanzya busyu bwakwe ku bulambo, alimwi mu kupengana wakalila, “Mwami, kondiyeeya. Nda keenda ku busyu Bwako a moyo ululeme, elyo Ndi yanda myaka imbi ili kkumi ayosanwe,” Leza nakamana ku mwaambila kuti cintu cimwi ciyo citika, uyo fwa. Nkabela, mu kupengana, wa kasandula bukanze bwa Leza. Kupengana, nekubakuti, wa kalila cakubijilwa mu kupengana.

⁹⁰ Jakobo wakakala kuya mane cilongezo cakasika, akusandula izina lyakwe kuzwa kuli “silweeno” a kuba “mweendelezi a Leza.” Acalo cisi cakaitwa izina lyakwe. Iyi, munene! Ca kali ciinzi? I zintu zyakatobela nkaambo kakuti wa kasika mpa kapengana a cintu. A buzuba bwaka ccilila na kaswaanganya Esau, ta kali kuyanda a basikumu kwabilila. Wa keenda nkoonya kubusena a kumu swaanganya. Mwabona? Nkaambonzi? Wa kaba mu kupengana kusikila wa kaba a kanzambwene.

Elyo kopengana kusikila ujane kaanzambwene. Ikuti na to citi, uta booli mu kukombelwa. Uta booli a ku cipaililo. Ko lindila kusikila cibe aakati ka buumi a lufu, kuli nduwe, mpoonya cintu cimwi ciyo citika. Ncobeni, kupengana!

⁹¹ Rute wa kapengana, ciindi cimwi, elyo naka imvwi muni lya Naomi. Sena inga wajokela ku bantu bakwe, kuli boonse mbakali kuyanda, a zyoonse nzya—nzya kali kukomba, mizimu yakwe a bantu bakwe, na ku jatilila kuli Naomi? We elede ku citaanzi? Alimwi wakaba mu kupengana, alimwi wa kalila, “Oko nkoya, Ndila inka. Oko nkoya kukkala, Ndiyo kkala. Oko nkoya kufwida, Ndiyo fwida nkuko. Oko nkoya kuzikkilwa, Njo zikka . . . na Njo zikkwa. Alimwi Leza wako uyooba Leza wangu.” Mpaawo kai, kupengana! Leza wa kamulongezya, wa kamupa mwana mulombe, Obedi. Obedi wa kazyala Jese. Jese wa kazyala, kwiinda muli Jese, kwa kaboola Jesu. Nkaambo, kupengana!

⁹² Mbuli simamambe muniini, oyo Rahabi, wakapengana. Wa kalizi kuti lufu lwakali kumbele lyakwe. Wa kali mu lubeta. Alimwi waa kapengana, wa kati, “Ndi la musisa noba sikutwela.

Ndila cita kufumbwa cintu. Buyo, amukonke buyo kuli Leza wanu, nkabela ng'anda yangu iyoima.” Nceeco we.

Wa kati, “Ndi . . . Ikuti na ubweze citondezyo eci, iyo ima.”

⁹³ Elieza wakapengana mu mulimo ngwa kapegwa kuli nguwe kuyo yandaula nabwiinga wa Isaka. Elieza waku Damasiko wakali muntu mupati. Wa kali kuyandika kuli Abrahamu, alimwi wa kasyomwa kuli Abrahamu kuti ainke kuyo yandaula nabwiinga, musyobo uululeme wa nabwiinga, wa mwana wakwe, Izaka. Kwiinda muli oyo kuyo zyalwa Kristo.

⁹⁴ Lino, Elieza, mukuba mwaalumi simuuya, wa kalizi nco cakali kwaamba. I musyobo uululeme wa mwanakazi wa keelede kuba—kuba mwanakazi wa mwaalumi oyo. Alimwi inga wamusala buti? Mu ciindi ca kupengana kwakwe, naakasika mu muunzi, wa kakomba akuti, “Mwami Leza!” Nce cintu eco. Nopenga, koya ukakombe. “Mwami Leza, koleka musimbi mutaanzi utiisike aku zonywisya nkamela, a kundipa kuti ndinywe, abe ngo nguwe.” Wa kakomba mu ciindi cakwe ca kupengana.

⁹⁵ Rebeka, musimbi mubotu, wakaboola, wanywisya nkamela. Alimwi mpawo wa kati, “Uta ndimusyi mu lwendo lwangu.” Wa keelede kusika aa ciindi cakusala na inga ulainka na pe. Wa kali mukozyanyo wa Nabwiinga. Sena inga waa—sena inga wa inka a kuyo kwatwa ku muntu ngwa ta kalinabwene? Lino, eco ncintu cipati. Ta kalina ku mubona, nekubaboobo wakamvwa buyo ku mulanda wakwe.

⁹⁶ Oyo mukozyanyo wa Nabwiinga. Tona mubona Kristo. Pele umvwa buyo, kwiinda mu balanda Bakwe, Mbwa bede. Mula sambala zintu zyoonse, kusiya maanda anu, zintu zyoonse zimwi ziyandikana kucita, kuti yebo uu Mu jane. Lino amulange, alimwi wa kasala, musyobo wa Nabwiinga, wa kasiya muunzi wakwe wa kabungwe kakwe, mwabona, kwiinka.

⁹⁷ Jona, wakawaalwa kuzwa mu bwaato kuya mu maanzi mu ciindi ca guwo lyamvula, kungsi lya lwizi, mwida lya inswi. Bulangizi boonse bwa kupona bwakamana. Pele caka citika kuti kwa kaboola mu miyeeyo yakwe kuti Solomoni, mu kulongezya tempele, wakati, “Mwami, na bantu baba mu mapenzi kufumbwa nko babede, alimwi bakanyonene ku tempele eli a kukomba, nkokuti uka bavwiile.” Alimwi na kanyona mwida lya nswi, wa ka cikonzya kusika amwi mpa kafugama, Ndi yeeya, a malusi aa nswi ali nguwe koonse.

Okuya wa kakomba mu kupengana. Alimwi muli eco, mu kupenga; muya buyo wakuyoya nku koonse nkwa kajisi mwida lya inswi. Alimwi muya musyoonto oyo ngwa kali kuyoya, ambweni takazi kubusena nkwa kabede, alimwi wakati, “Mwami, Ndila syoma Ndi langa okuya ku tempele Lyako.” Alimwi a muya buyo musyoonto wakuti kacipona, mu kupengana, wa kakomba, muziimo ezyo. Taakwe nicaka citikide,

pele wa kapengana. Wa kakomba, alimwi Leza waka mubamba kali muumi mazuba otatwe a masiku, aku mugwisizya aa busena bwakuti atolele mulombe wakwe. Kupengana!

⁹⁸ Hana, mwanakazi wa takali kuzyala mu Bbaibbele, waa kali kuyanda mwana mulombe, alimwi waa katalika kulimya kulya nkaambo ka nguwe. Alimwi waa kaliimya a kukomba kusikila mupaizi mu tempele wa kayeeya kuti wakali koledwe. Wa kali mu kupengana maningi! A bamwi banakazi ka balangilila a kubona kuti na musyobo nzi wa kasote umwi umbi nka kasamide; alimwi nywebo mulizi mbo cuunka; a umwi umbi kalanga musyobo wa zikobela nzyo baka samide, a kwaambaula kujatikizya zintu zyakali kucitika aa mpulasi. Pele kutali Hana; waa keenda moonya kwiinda mu nkamu yoonse ya bantu a kwiinka ku cipaililo. Wa kali mukuliimya. Waa kali kuyanda kuti isampu lyakwe ligusigwe.

Ino ndwandaano asunu. Ci tandila kuba isampu kuba a mwana. Mpawo lya kali—lya kali isampu kutaba a omwe.

Elyo waa kafugama. Elyo ta kabikkila maanu a bulemu mu tempele. Ta kabikkila maanu ku mupaizi uulemekwa mbuli mbwa keenda kuzwa. Waa kali mu fwabi loko kusikila misozi yakwe yaka mbulumukila aa masaya aakwe, alimwi waa kali kulila, mu kupengana, “O Mwami Leza, kondipa mwana mulombe. Kondipa mwana mulombe!”

⁹⁹ Elyo, amubone, ta kali kuliya. Cindi Leza naka muvwila, a kwiingula mupailo wakwe a kumupa mwana mulombe, waa kamujosya kuli Leza. Alimwi nkaambo kakuti taka liyanda kuba sikuliyanda Leza nakamana kwiingula mupailo wakwe, Wa kamupa munsinsi. Oh, cakali cileleko caka yungizigwa. Oh, Walo uzwide buyo nzizyo, ezyo zintu ziniini ziyungizigwa Nzya pa. Kutali buyo mwana mulombe, pele musinsi. Alimwi kwa kanyina cilengano cakajukide kwa myaka, minji minji, mu Israyeli. Samaule, musinsi mutaanzi, kwa myaka, minji minji, nkaambo banyina bakasika mpo bapengana; ikuti ta koyooba a bana, alimwi wakaliindide myaka yakuzwala, ambweni myaka yakukomena iili makumi ali cisambomwe, makumi ali ciloba. Alimwi waa kakomba mu kupengana, weelede kuba a mwana oyuu! Ca kali ciinzi? Leza wakaamba kuli nguwe, kwiina kudonaika.

¹⁰⁰ To kozyi kupengana mane do Leza wambaula kuli nduwe. Oh, Mbungano, konyamuka a kulizungaanya omwini! Amuli syambe manjezeezya anu, amuli sinsimune nobeni, mu oora lino! Twe elede kupengana, na kunyonyoka! Kuli ciboola cintu cimwi kuzwa ku Mwami! Ndi lizi mbuli MBUBOBU MBWAAMBA I MWAMI. Kuboola kuyutuka cintu cimwi, alimwi twe elede kupengana. Cili ku Buumi a lufu. Ciyo iinda kuli ndiswe elyo tatu kaciboni.

¹⁰¹ Nkaambo ta kajisi kuliya, waa kapegwa musinsi.

¹⁰² Oyo mwanakazi waku Shunemu wakajisi mwana mulombe oyo musinsimi ngwa kaambide ku Ijwi lya Mwami, nekubakuti wakali cembeede a mwaalumi wakwe wakali cembeede. Tiiba kajisi bana, pele waa kali aa lweetelelo ku musinsimi oyu—oyu. Alimwi wa kalizi kuti wakali muntu wa Leza. Wa kaziba kuti wa kali muntu ulemekwa, mwaalumi winiwini. Wa kanjila mu ng’anda, mulumi wakwe takaliko, a bamwi bambi. Wa kali muntu uusalala. Ba kakonzya kubona kuti wa kali muntu ulemekwa. Wa kamubona kacita zitondezyo a zigambyo. Wa ka mumvwa kaamba zintu zyaka citika. Wa kali muntu ulemekwa, uusalala.

Waa kati ku mulumi wakwe, “Nda bona kuti oyu mwaalumi utu swaya muntu uusalala.” I mulindu wa ng’anda, waa kaziba kuti wa kali muntu uusalala. Alimwi waa kamuyakila kaanda kaniini kuya, kutegwa ata usigwinsoni. Wa liku konzya kuleya cindi nakali ku yanda, a bumwi bumbi. Waa kabikka i—i bulo omuya, a—a nsazi ya maanzi, a zimwi, kutegwa inga wasamba akuba amwi maanzi aa kunywa. Alimwi ambweni waa kali kutuma mulanda musimbi, na muntu umwi mujiki, a—a cakulya cimwi caku musanizya, a kuleya, a kukutauka i—i isikati kuli nguwe, na cintu cimwi.

¹⁰³ Elyo, aboobo, Eliya nakabona buuya obu bwa kacitwa kuli nguwe. Alimwi cili lembedwe kuti, “Nco citila aba bantu Bangu baniini, wa citila Ndime.” Aboobo wa kabona eco, mwanakazi wakali kulemeka Leza mbuli mbwa lemeka musinsimi oyu, mbuli mbwa kabona Leza mu musinsimi. Alimwi, aboobo, taakwe ncakali kuyanda nkambo ka ncico. Tii cakali mu moyo wakwe kuti ayande cintu cimwi. Wa kacicita buyo nkambo kakuti waa kali kuyanda Leza. Ta ka cicita nkambo ka cilongezo cili coonse. Wa kacicita buyo.

¹⁰⁴ Lino, lino Eliya wakati, “Koya umubuzye, sena Ndi ka mukumbilile ku mwami? Ndi mweenzinyina wakwe. Na, silutwe mupati, Ndi—Ndi limuzi kabotu. Kuli luzyalo lumwi, cintu cimwi nce Ndi konzya ku mucitila, Ndi yanda kumupa cintu cimwi nkambo ka mbwaali kabotu kuli ndime. Waa—waa ndisanina. Wa kandilekela koonu mu malo. Alimwi—alimwi mubotu loko kuli ndiswe. Lino inga Nda citaanzi?”

Waa kati, “Peepe, Ndi kkede buyo aa bantu bangu. Tuli—tuli buyo kabotu maningi. Tuli jisi cakuponena, elyo kwamana. Taakwe nco tu yanda.”

Elyo Gehazi wakati kuli nguwe, “Pele ta jisi bana.”

¹⁰⁵ Mbwa ka cibonena buyo Gehazi, taakwe akuzumbauzya musinsimi wakabona cilengano, nkaambo wakati, “MBUBOOBU MBWAAMBA I MWAMI. Koya umwaambile, mu ciindi celeede, na mu ciindi cikubwene, kwainda mwaka kuzwa lino, uyo bukata mwana mulombe.”

106 Elyo mwana mulombe wakazyalwa. Cindi nakatisike myaka ili kumi aibili. . . Obo banabukwetene abo bakale mbo bakali mulombe oyu muniini, mwana wabo alikke. Alimwi buzuba bumwi wakali ku kugonka maila, a bawisi. Ce elede kuti lyakali isikati, wa kaciswa kulebuka kwansinga nkambo kakupya kwa zuba, mbo Ndi yeeyela, wa kawizuka a zuba, nkaambo wa katalika kulila, “Mutwe wangu.” Wa kaciswa loko a kuciswa loko. alimwi wakaindilila kuciswa. Ba wisi baka mugwisya kuya ku muunda, nkabela kwakali kusyanikizya kupati kuya, cakuti wa katuma mulanda, a ku mutumina.

107 I banyina bakali mu kkazikide aa mabelo abo mane kuciindi cakalangabweesene, nkabela wa kafwa. Amubone, mwana wakwe alikke, wakapegwa kuli nguwe a Mwami, kwiinda mu kukomba a cisyomezyo ca musinsimi a MBUBOBU MBWAAMBA I MWAMI. Wa kaziba kuti kuli cintu cimwi cilubide amwi. Ta cikonzzyi kubeleka. Ino Leza inga wamupa buti oyo mwana a kuleka luyando lwakwe—lwakwe lwa boola ku mwana oyo? Nekubakuti taka mukumbila. Wa kali cembede cakuta konzya kuba a mwana. I janza lya Leza lyaka caamba. Muntu waka caamba, musinsimi. Alimwi ngooyo awo mwana mu ciimo eci, wa kalifwide, mwana wakwe alikke.

Aboobo wa kati ku mulanda wakwe, “Ko ndibopela imbongolo, alimwi utante weende, a ku taima. Ikuti na muntu umwi wasola ku kwiimika, utaambi ijwi neliba lyomwe, alimwi uinke nkoonya buyo ku Cilundu ca Karameli. Kutala kuya mu mpangala ku busena bumwi, waka somona, ngooyo muzike wa Leza Sijulu Wamajulu; oyo waka ndaambila, MBUBOBU MBWAAMBA I MWAMI, Ndi yooba a mwana. Ndi yanda kuziba Leza nca citila eci.” Aboobo waa kati. . . “Koya buyo kumbele cakutaleya alimwi utaimiki imbongolo. Uyi leke izuze canguzu buyo mbuli zintu zyoonse muli njiyo. Izuze mane ukasike kuya.” Kupengana!

108 Elyo Eliya musinsimi wakaima, akulanga, akuti, “Ngooyo wasika oyo muna Shunemu, alimwi, waa, cintu cimwi cilubide kuli nguwe. Leza ta ciyubununa kuli ndime. Ta ndizi cilubide.” Wa kati, “Koya, uka muswaanganye. Nda bweza. . . Atu fwambaane. Kuli cintu cimwi cilubide.”

Kupengana kwa vumpa musinsimi, kupengana ku mwanakazi. Mwabona, bakali kuboola antoomwe; umwi uyanda kuziba Ijwi lya Mwami kuti niinzi, alimwi umwi takazi Ijwi lya Mwami nco lyali kwaamba. Mpaawo we. Umwi wakali kuyanda kuliziba, alimwi umwi wabo ta kaliziba. Mwanakazi wali kuyanda kuliziba, alimwi musinsimi takazi. Wa kati, “Leza ta ci yubununa kuli ndime. Ta ndizi nce nditii mwaambile aasika kuno.”

Aboobo waa kali kutandila kuba kuya mpawo. Wa katambika janza lyakwe, wakati, “Sena zintu zyoonse zili

kabotu kuli nduwe? Zintu zyoonse zili kabotu a mwaalumi wako? Sena zintu zyoonse zili kabotu a mwana wako?”

¹⁰⁹ Lino, mwanakazi wakali sikide ku mamanino a kupengana kwakwe. Wa kati, “Zintu zyoonse zili kabotu!” Bulemu! “Zintu zyoonse zili kabotu!” Kupengana kwakwe kwa kamana. Waa kajana mulanda wa Mwami. Ikuti na takaliko kuya, nakacili mu kupengana. Pele, nywebo mwabona, wakaliko kuya. Waa kati, “Zintu yoonse zili kabotu!”

Elisha wakayeeya, “Mbubo, ncinzi cicitika lino?”

¹¹⁰ Mpoonya wa kazuza a kuwida ku maułu aakwe. Eci caka boneka ceenzu, mpawo Gehazi waka munyamuna buyo. Wa kati, “Komuleka alikke, utaciti obo.” Eliya wakaambila mulanda wakwe, “Utaciti obo. Komuleka alikke. Kuli cintu cimwi cilubide. Leza ta citondezya kuli ndime.” Mpoonya waa kayubununa kuli nguwe kuti mwana wa kalifwide.

¹¹¹ Lino, musinsimi takazi a cakucita. Wa kati, “Gehazi, kobweza musako oyu ngwe Ndali kweenzya.” Wa kalizi kuti kufumbwa nca kaguma cakali longezedwe, nkaambo takali nguwe, wakali Leza muli nguwe. Wa kalizi kuti nguni. Wa kalizi kuti wakali musinsimi. Mpoonya wa kabweza oyu musako akuti, “Gehazi, kobweza oyu, alimwi koya ukaulazike aa mwana. Alimwi na muntu umwi waamba kuli nduwe, yebo kopengana. Alimwi uta juzyi nekuba omwe, a kuta lekela. . . Uzu manane buyo kweenda, utaambauli nekuba kuli umwi. Kaubikke aa mwana.”

¹¹² Pele, ku mwanakazi, eco tii cakamana kupengana kwakwe. Eco tii cakakutya ncaakali boolela. Waa kati, “Mbuli Mwami Leza mbwali muumi, ta Ndi—Ndi kokusiya wiinke kusikila ukutaukile mwana.”

¹¹³ Elyo Eliya wapakengana. Alimwi ngooyo wakainka, kunselelo mu mugwagwa, walo a mwanakazi. Alimwi niba kasika kuya, i. . . bantu boonse bakali aanze a lubuwa, kabaomoka a kulila. Elyo mwanakazi wakacita cintu ceelede maningi cakali kukonzya kucitwa. Waa kabweza mwana a kumulazika aa bulo awo Eliya mpa kalede. Eco cakali cibotu buyo mbuli musako wakwe. Alimwi ta kabuka awo, aboobo eco tii cakabeleka. Wa kali kuyanda kuziba cintu cimwi candeene.

¹¹⁴ I musinsimi waka njila. Lino wakali mu kupengana. Lino ula citaanzi? Alimwi tu jana kuti mu Bbaibbele wakendeenda mu kaanda, kupengana. “Taakwe nce Ndizi cintu cimwi cimbi cakucita, Mwami. Ndili Waano. Wa kandaambila kuti ndaambe eco ku mwanakazi oyu, alimwi MBUBOBU MBWAAMBA I MWAMI. Alimwi cakali mbubonya mbuli mbo Nda ka mwaambila, nkaambo Wa ka ndaambila. Lino, ngooyo uli mu mapenzi, alimwi Ta ndizi cakucita. Alimwi ngooyu mutunta wa mulombe ulilede. Ndila cita buti, Mwami?”

¹¹⁵ Kakunyina kuzumbauzya Muuya Uusalala wakati, “Ikuti na Leza uli muli nduwe, nkokuti kolala aa mwana.” Cintu citaanzi nywebo mulizi, wa kaima, wazuza a kubikka maanza aakwe aa maanza aakwe, mpemo yakwe aa mpemo yakwe, milomo yakwe aa milomo yakwe. Nkabela nakalala lwakwe aa mwana, mwana wakeesemuka ziindi zili musanu azibili. Kupengana kwa kamana.

I muvwanda wakabuka, nkaambo kakuti kupengana kuya kwakatola mwanakazi ku musinsimi, alimwi kupengana kwa katola musinsimi ku muvwanda. Alimwi kupengana muli boonse kwakaleta Leza mpa kalibonya. A luyando lwa Leza, a luyando ku bantu bakwe, kwa kaleta luyando lwa Leza ansi, alimwi kwa kaleta lusyomo ku bbuwa lya kulwanina nkondo, a mulimo wakacitwa. Kaambo kakajalwa. Ameni! Mbombubo obo. Kupengana nko kucita. Ncobeni! Na taka musiya.

¹¹⁶ Moofu Bartimeyu wakayeeya kuti Jesu ulainda aabusena, kakede awo aa mulyango, moofu mukumbizi, wa zya luzyalo. Cintu citaanzi nywebo mulizi, wakamvwa kuyoba; Jesu wakali kwiinda aabusena. Wa kati, “Nguni wiinda aabusena?” Muntu umwi waka mutontela ansi. Wa kati, “Kaka, umwi, nguni wiinda aabusena?”

Umwi wabo, ee, antela umwi mwanakazi sikwiiya muniini, wakati kuli nguwe, kati, “Munene, tomuzi Oyu ulimu kwiinda aabusena?”

“Peepe. Ndi lamvwa bamwi babo kabati, ‘Kuli busena buzwide zyuumbwe zya bantu bafwide kutala kuya. Ikuti na ulabusya bafwide, koya uka babusye.’ Sena ngu sikusampaula na umwi?”

“Peepe. Sena kuli nowa kamvwide Musinsimi waku Galilaya, oyo Musinsimi mukubusyi wiitwa kuti Jesu waku Nazareta?”

“Peepe.”

“Ee, nywebo mulizi, mu Bbaibbele ku laambwa mu mabbuku eesu kuti Mwana wa Davida uyo komezegwa a kukkala ali ncico. Oyo ngo Nguwe.”

“Sena oyo ngo Nguwe? Sena oyo ngo Nguwe, alimwi Uli mu kwiinda aabusena?”

Kupengana kwaka mupa kuti akwiile, “O Jesu, O Mwana wa Davida, kondifwida luzyalo!”

Uta ndiindi, O Muvuni mubotu,
Ko teelega kulila kwangu kwa bubombe;
Kuciindi No cili mu kwiita bamwi,
Uuta ndiindilili.

“O Jesu!”

Bamwi babo bakati, “Ko umuna! Ula sabila loko.”

¹¹⁷ Pele wa kalipengede. Ikuti na Wa kainda aabusena, ambweni ta kamujani ciindi cimbi. Ambweni a ndiswe ta tu kooba a ciindi cimbi; ambweni aya inga aba masiku a mamanino. Mukupengana! Wa koongolola, “O Jesu!” Taakwe makani a wa kamukasya, wa kalila mbubonya buyo, kumvwika loko oko. Cindi niba ka mwaambila kuti a umune, ca kamupa kumvwika loko. Wa kapengana. Taakwe wakali kukonzya kumukasya. “Yebo o Mwana wa Davida, kondifwida luzyalo!” Elyo wa koongolola mu kupengana.

¹¹⁸ Elyo Mwana Leza, a zibi zya nyika aa zifunzi Zyakwe, kaina ku Jerusalemu ku yoabwa, mpoonya awo, kuba cituuzyo ca nyika, wa kaima mu tukondo Twakwe. Kupengana, kulila kutakwe bulangizi, kwa kaimika Mwana a Leza. Kati, “Ncinzi nco yanda kuti Ndi kucitile?” Oh!

Kati, “Mwami, kuti Ndi tambule kubona kwangu.”

Kati, “Koya, lusyomo lwako lwa kufutula.”

Oko kwaka kkwana. Kupengana! Cindi kupengana nokuli aafwi kutambula cintu cimwi, kwaampa kusyoonto maningi, lusyomo lula cikwempa. Mwabona? Taa kati, “lino kolindila asyoonto, kolindila asyoonto, jata awo kwa kaindi kasyoonto, koleka na inga Ndila bona lino. Ta ndina bona maanza angu, kwa myaka minji. Koleka na inga Nda konzya kwaabona. Taakwe ncebwenene aino.” Cindi Jesu na kati, “Lusyomo lwako lwaku futula,” oko kwaka kkwana. Eco calo ncaakali kuyanda.

¹¹⁹ Kupengana kwiitila mubandi, alimwi ciindi mubandi, taakwe makani a mbocili cisyoonto, cila tambulwa, cila syomwa mpoonya awo, nkaambo lusyomo lulacijata na kupengana kuli mu kucitonta. Mwabona? Luyando muya lulasangana a ncico a kucileta kuli ncico. Kupengana kula cicita.

Moofu Bartimeyu wakajata cilengaano kufwaambana.

¹²⁰ Petro, waka kopwa maningi, amwi masiku aa lwizi, nakaba mu kupengana. Alimwi wa katalika koompolola, “Kuli cintu cimwi cilubide. Nda bona musangu kaboola, kasika kuli ndime!” Bwaato bwaka tiibbile. Wa kati, “Ikuti na Nduwe, Mwami, ko ndizumizya ndiboole kuli Nduwe awa atala aa maanzi.” Alimwi wakazwa mu bwaato a katalika kweenda; nkabela wa kayoowa nakatalika kweenda, elyo wa katalika kubbila, elyo kupengana. . . Nekubakuti kwakali kulubizya, mukusola kutobela malailile a Leza, . . . Ndi yeeya kuti mbungano ila cimvwiya eco. Oyu mwaalumi wakali kucita Leza ncaka mwaambila kucita.

¹²¹ Lino, yebo o Munakristo masiku ano, kuciindi cakubeleka, kosola kutobela busololi bwa Muuya Uusalala; alimwi ikkulenge lya kujata, na i-i lufu lwa kujata, ikkulenge, kakweekwe, nekuba cili buti. Mu ciindi cakubeleka, ujisi nguzu nzizyonya Petro nzya kajisi.

“Mwami, ko ndifutula, kwataba boobo Ndila nyonyooka.”
Mu kupengana wakaita, nkabela janza lya kasika a ku mununa.
Ujisi cintu nciconya. Pele wa kakwiila, “Ko ndifutula, Mwami!”

Wa kamvwa kulila kwangu kutakwe bulangizi,
Kuzwa mu maanzi waka ndinuna, eno Ndili
kwabilidwe. Mwabona?

122 Mbo cibede, cindi wa ompolola!

123 Ambweni oyu mwanakazi, muzyali, kufumbwa na cakali
buti kuli nguwe, mwana wakwe muniini, na muzukulu, na
mujwa, kufumbwa mbwa kabede, wa koompolola mu kubula
bulangizi. Leza wa kamvwa.

124 Mpoonya tu jana kuti, mu kubbila, Leza waka mumvwa. Mu
ciindi cakubeleka, wa katalika kubbila. Wa kaalilwa. Taakwe
makani na waalilwa, eco tacikwe a makani a ncico. Toonse tu
laalilwa. Kuzwa ku matalikilo, tuli basikwaalilwa. Pele tu jisi
Muntu umwi lino wiimvwi a janza ijumu, Oyo uukozya kutusika
kutusumpwida atala aa maanzi.

125 Ikuti na wa kalubizya, mwanakazi umwi wa kalubizya,
umwi mwaalumi wa kalubizya, umwi mulombe na musimbi wa
kalubizya; uta bbili. Ka kwiila maningi, mu kubula bulangizi,
“Mwami, kondifutula, kwataba boobo Ndila nyoonyoka!” Koba
a kupenga kujatikizya ncico. Leza uyo kumvwa. Lyoonse
ulamvwa muntu upengana. Eci Nce sola ku mwaambila aco.

126 Oyandwa Mwami Jesu wesu, Lwakwe, mu buwa
lyakulwanina nkondo mpati maningi ya nyika, Getisimani, Wa
kalila, mu kubula bulangizi. Sena We elede kubweza zibi zya
nyika, na We elede kacili ansi a bayandwa Bakwe basikwiiya, eco
Nca kali kuyanda kacita? Pele amulange kulifwiinsya Kwakwe
mbuli Mbwa kalibombya Mwini, “Kutali kuyanda Kwangu pele
bukanze Bwako bucitwe,” wa libombya Mwini ku Ijwi, ku Ijwi
lyaka syomezegwa ilya Leza wa ku Julu.

Amubone, mpawo, Wa kainka kumbele mbicaana. Alimwi
na Wa kainka kumbele mbicaana, nkunji buti nko twe
elede kwiindilila aambeke mbicaana. Mwabona? Alimwi
amubone, Malembe alati awa, muli Luka, kuti Wa kakomba
cakusinizya. Mukwesu, mucizi, ikuti na Jesu wa keelede
kukomba cakusinizya, nkunji buti nko twe elede kukomba
cakusinizya. Ikuti Kristo, Leza waku Julu, kulifungula kuba
mubili wa buntu, kakomba cakusinizya, mpawo nkunji buti nku
twe elede swebo, to basizibi twa kafutulwa kwiinda ku luzyalo,
kukomba cakusinizya! Kuti—kuti na kusala kwakatola Mwana a
Leza mu kubula bulangizi, ino cilacita buti kuli nduwe a Ndime?
Cakupengana twe elede koompolola.

127 Leza, mu mazuba aya amamanino, wa libonya lwakwe
Mwini kuli ndiswe, kwiinda mu zitondezyo Zyakwe zipati
a nguzu, zyeede kutubamba kupengana. Obo mbombubo.
Alimwi a kuyanda Kwakwe nku tuponya a ku tufutula, kweede

kutubikka mu kupengana toonse kuti tusike ku Mwaala uponya. Obo mbubo.

¹²⁸ Amulange, kuti Florence Nightingale . . . Muzukulu mupati wasikwaazwa Florence Nightingale oyo wakatalisya Red Cross. Mwa kacibona cifwanikiso cakwe mu bbuku, waa kali kulema mapaundi akali makumi otatwe. Ikulenge lyakalimulide. Mu London, England; baka muleta kuzwa ku Africa, kusikila ku London, England. Alimwi kuya mu kubula bulangizi . . . Mukwesu Bosworth waka sandula lugwalo a ku mwaambila, kuti, “Ta tu konzyi kusika ku Africa.”

¹²⁹ Waa kasandula lugwalo, wa ka jisi narsi waka mulembela a kuti, “Ta ndi konzyi kweenzegwa. Ta ndi cikonzzyi ku cicitu.”

Wakatondezya cifwanikiso. Mwaka cibona cifwanikiso. Twa kabikka buyo kabeela kaniini ali ncico. Ca kajisi buyo kabaki koonse. Nda kayeeya kuti ambweni muntu umwi, uyo cibikka mu bbuku, inga wajana butongo nkaambo waa kali . . . mubili wakwe wakavumbulwa cinswe ku buleya kuya, kuti . . . alimwi twa kabikka kamwi kasyoonto ali nguwe *awa*. Waa kajisi buyo i—i kasila kasyoonto, kasansamuzyo ka kabikkidwe aa busena, aa busena bwa zikungu zyakwe. Pele atala, tiikwa kali cintu. Alimwi akwalo . . . Pele twa kayeeya kuti tubikke kabeela kapepa kasyoonto ali ncico a kufotola i . . . kufotola eco. Kukasya bantu bata jisi miyeeyo iluleme mu kuyeeya, kuti bata kabijilwi a ndime kubika cifwanikiso eco mu mutende.

¹³⁰ Elyo mpoonya dokotela na kaamba kuti to eleede kweenzegwa, alimwi wikalizi kuti Ndi yoswaya ku England, ba kamubikka aa zyeenzyo, a ku mutola ku ndeke, a kumuleta ku London, England, alimwi bakatuma mulindizi ku ndeke katutana inka ku Buyake bwa bwami bwaku Buckingham, katuma mulindizi ku busena kuya kuboala kuzo mu kombela. Alimwi waa kali manide ku ciimo kusikila takali kukonzya akwalo kwaambaula kuli ndime. Ba ka bweza janza lyakwe a kulibikka mu janza lyangu.

¹³¹ Nywebo mulizi London mboibede, no bamwi basilumamba mwakaliko kuya. Lyoonse kuli sikunku maningi. Alimwi Nda kafugama kuya kumbali lya mpulungwido, alimwi walo . . .

I misozi yakali kuloka. Wa kali kuyanda kuti . . . Ta ndizi obo akwalo mbwa kajana mudumo munji wakuzwa misozi. Waa kali buyo zifuwa, cikanda ali nzizyo; a mauu aakwe— aakwe awa ku zikungu takali kutandila kwiinda, kulanga lwangu, mbuli kutandila mainci obile mu kwiinganya, na mainci otatwe. Insinga zyakwe zya bulowa zyaka kokonyana. Obo mbwakali kupona, Ta ndizi. Mwaka bona cifwanikiso cakwe nikwa kamana.

¹³² Nda kafugama kumbali aa bulo. Lino, wa kalipengede; na Ndi yoinka na pe, bayo muleta, nekubakuti. Alimwi Nda kasika kuya, moyo wakali kufwa luse muli ndime, nkaambo ka lusyomo

eco cilenge, cili mukufwa, ciniini cicete, alimwi Nda kapaila a moyo oonse ngo Nda kajisi. Alimwi ni Nda katalika kupaila, kaziba kaniini ka kaboola, kakaulukila aa mpulungwido, ka katalika kweenda koonse akoonse, kakalila cabuuya. Nda kali kuyeeya kuti cakali civubwa. Tii ndakali kuya ku England pele kwa oora buyo, nindakali kuzwa buyo kunselelo ku bbuwa lya ndeke kuya. Alimwi Nda yeeya kuti cakali civubwa. Alimwi ni Nda kanyamuka, a kuti, “Ameni,” yakauluka.

Elyo Nda katalika kubuzya bakwesu, ba kamvwa nziba eyo. Alimwi bakali kwaamba aali njiyo, alimwi ni Nda katalika kuti, “Sena mwaibona, nziba eyo nco yaamba . . .” Kwa kaboola, “MBUBOBU MBWAAMBWA I MWAMI, uyo pona tokafwi.”

Elyo ula pona sunu. Nkaambonzi? Kupengana. Kupengana kwakapa mwanakazi kuti abweze intamo, kupona na kafwa. Kupengana kwakapa kuti asike kuya ciindi nciconya nci Nda kasika. Alimwi citondezyo kuzwa kuli Leza, Wa katuma nziba, ku zoopa MBUBOBU MBWAAMBWA I MWAMI. Kupenga!

¹³³ Ciindi mucizi, Hattie Waldrop waku Phoenix, Arizona, waa kali kuboola kumbali aa mugwagwa, mu muswaangano wangu mutaanzi. Musilisi uuciiya a mulumi wakwe bakali ku muleta; ikulenge lya ku moyo. Wa kabweza ntaamo, kusola kwiinka kuya ku muswaangano, pele wa kali muciiimo cibi loko . . . takali kukonzya kuyoya, bulowa bwakali kuloka kwiinda mu moyo wakwe awo ikulenge mpolya kalide mu moyo wakwe. Lino, ikulenge lyaku moyo! Ambweni yakasika myaka ili kkumi a lusele, na ili kkumi afuka, na makumi obile, 1947 nocaka citika.

¹³⁴ Lino, wakati ku mulumi wakwe aku musilisi uuciiya a bakali kumubweza, “Nekubakuti Nda fwa mu mundando oyu, munditole kuya.” Kupengana. Waa kawizuka. Ta ndiyeeyi kuti wa kalifwide; utaminina kuti wakacita. Lino, ambweni wa kalifwide. Ambweni uyoimvwa teepu eyi, mwabona. Lino Ndi—Ndi—Ndi . . . Wa, kataminina kuti wa kalifwide; Ta ndizi. Baka ndaambila, “Kuli mwanakazi uufwide uuboola mu mundando.” Alimwi mwanakazi na kaboola aa busena, waa kali fwide. Alimwi niba kamuleta kuya, Ijwi lya Mwami lya kasika; alimwi Nda kainka a kubikka maanza angu ali nguwe, nkabela waa kabuka a kwiinka ku nganda, kaenda. Eci cili kwene, inga Nda amba, mukuba kabotu, myaka iili kkumi a lusele yainda, alimwi uli buyo kabotu maningi muyumu . . . Unooliko kuya ku Tucson kuyo ndiswaana Nda kwiinka kuya. Kupengana, “Nekubakuti Nda fwida mu nzila, nekuba, pele muka nditole kunselelo kuya. Waa kaponya bamwi, Uyo ndiponya.” Kuyandisya!

¹³⁵ Atu leke moyo yesu izulwe luyando mu buzuba obuno, alimwi akuba aa lusinzizo, a mu kupengana. Kwamana ambweni inga kwaba kumuka.

¹³⁶ Jairo ciindi cimwi waka jisi mwana wakwe musimbi wakali mukufwa. Wa kali musyomi wakuzina buyo. Wa kasyoma

Jesu, pele wa kali kuyoowa ku caamba, nkaambo inga noba kamutanda mu cikombelo. Pele dokotela wa kaboola cifumo cimwi, akuti, “Uli mukufwa lino.” Kupengana kwa katalika. Ta ka konzya kucita, mbuli cuuno cakwe, kujatwa kali a Jesu waku Nazareta, nkaambo inga na kasweekelwa mulimo wakwe wa bupaizi.

Pele Nda mwaambila, kusyanikizigwa nikwa kasika, kwaka muleta mu kupengana. Inga Nda mubona kayandula jakete lya mukambausi wakwe muniini a ngowani, ku yutukila aali njiyo. Ngooyu waboola kunselelo kwiinda mu nkamu ya bantu, kalisyanikizya koonse; awo akali mwanakazi wakajata cikobela Cakwe, a zimwi, alimwi boonse bakali koongolola. Pele wa kanjila akuti, “Simalela, mwana wangu musimbi ulilede kali aafwi kufwa. Simalela, Simalela, mwana wangu musimbi ulilede kali aafwi kufwa, alimwi na inga Wa boola akubikka janza Lyako ali nguwe, uyo pona.” Oh, ma! Kupengana ku kubamba kwaamba zintu ciindi cimwi, kukupa ku kubamba kucita zintu. Ci kubikka mu mulimo. Mwana wakwe musimbi wakafutuka kwiinda mu kupengana.

¹³⁷ Atu pengane, mbuli ulya mwanakazi muniini waka jisi bulwazi bwakuzwa bulowa. I Bbaibbele lilati wa kasowa lubono lwakwe loonse, ku basilisi, nekubaboobo tiiba kakonzya ku mugwasya. Wa katalikide kwiima kuya ku mweezi, kusuba bulowa, kuciswa kalowa, alimwi tee kwaka kaima. Ndiza baka sambalide mpulasi, tumbongolo, mbizi, alimwi kufumbwa mbo cakabede; nkabela taakwe cintu caka konzya ku mugwasya. Elyo a bapaizi babo baka mwaambila kuti utasoli kwiinka ku musyobo mbuli oyo. Pele cimwi cifumo waka langalanga. Wa kali kukkala kuya kumbali lya nkomwe, kutala kuya oko mpulasi yakwe nko yakabede, alimwi wa kabona nkamu ya bantu mpati kaba bunganina Muntu kunselelo kuya, alimwi bakati, “Ncinzi eco?”

Kati, “Ngu Jesu waku Nazareta.” Kupengana kwa katalika.

Waa kati, “Ndili musyobo uutakwankwaya. Ndi—Ndi . . . Pele kuti Nda ampa cikobela Cakwe, Ndi yooba kabotu.” Alimwi wakainda ali basikujana butongo boonse a zintu zyoonse zimbi. Pele lino wakasika aa kasena, wa kajata cikobela Cakwe, mu kupengana.

Elyo cindi Na kacita, Wa kacebuka a kuti, “Nguni wa Ndi jata?” Alimwi boonse bakakaka. Pele Wa kalanga langa. Wa kali jisi cipego cipati ca Leza. Wa kali Leza; alimwi Wa ka mubona mwanakazi muniini a ku mwaambila kuti bulwazi bwakwe bwakuzwa bulowa bwa kamana. Kupengana kwaka mweenzya kucita obo.

¹³⁸ Kwakali kupengana oko kwa keenzya—keenzya namalelo waku Musanza. Waa kamvwa eco cipego ca Leza kuti cakali

kubeleka kwiinda muli Solomoni. Kupengana kwaka mweenzya kuli eco.

¹³⁹ Mukupengana! Obo mbo babede bantunsi, mbuli ndinywe, mbuli ndime. Kwakanyina lwandaano kuli ndinywe a ndime. Ba kali jisi maanu ali musanu. Ba kali kulya, bakali kunywa, a zimwi, mbuli ndiswe mbo tucita, kupona a kufwa. Ba kali bantunsi.

¹⁴⁰ Caka mubikka mu kupengana loko kusikila mane wakabweza cibeela ca bwami bwakwe. Ca ka muleta ku busena mpata kakonzya kuyeeya aba Ishimaeli bakali kukonzya kumubbida omuya mu nkanda, mazuba akwe aali fuka kusule lya nkamela kulanduka Lukula lwa Sahara. Kupengana! Ula ainka, nekuba. Alimwi nakasika kuya, taakwe cakasisigwa kuli Solomoni pele waka mwaambila zintu zyoonse nzyakali kuyanda kuziba. Kupengana! Jesu wakati, “Uyo buka mu Buzuba bwa Lubeta, a bantu basunu, a kubapa mulandu, nkaambo mupati kwiinda Solomoni mpaali awa.” Kupengana!

¹⁴¹ Mu kujala inga Nda amba eci. Kutali ciindi loko, kuya ku musanza iku Mexico, Nda kabona cintu cimwi cakupenga. Nda kasika buyo ku cibumbili, kuya mu busena bupati bwakucitikila zybuleya, alimwi bantu bakali kkede kuzwa cifumo muma naini okuloko, alimwi ciindi cakatisike teni okoloko masiku ayo. Alimwi mwaalumi munene moofu, busiku bwakainda, wakali moofu loko kwa myaka ili makumi otatwe, wa katambula kubona kwakwe, alimwi wakali kwiinka mu dolopo koonse buzuba obo, kaya bupa bumboni. Kwakali mulwi wa zisani wakaindi, kaubikkidwe kutandila mayaadi ali makumi otatwe, makumi one, kulampa *obo*, mashawelo buyo aakaindi. Ambweni kwakali bantu bakali kusika zyuulu zili makumi one, makumi osanwe kuya. Alimwi a ngowani zyakaindi a mashawelo, nazyakali zybani, Ndi yeeya kuti eco ca keelede kuzibwa akati kabo. Alimwi yakali kuwa mvula mpati.

¹⁴² Alimwi baka ndiselusizya antambo, aatala aa bwaanda, alimwi Nda kaba aa cibumbili. I mukambausi. . . I mwaalumi uukede awa, bakamuleta. . . Walo a mwana wakwe musimbi ba kaboola kuzwa ku Michigan kwa maminiti masyonto kainda, waamba zya Mukwesu Arment. Tula muyeeya kuno. Uli mu mugwagwa waku Bulemu ano masiku. Mukwesu Arment wakaliko kuya, alimwi wa kasamununa bbaki lyakwe damfu lipya, a kwiimikila mu mvula, alimwi wakalipa Mukwesu Jack Moore kuti asame, nkaambo Jack wakali kubimba. Muntu waku Musanza wa ka tiifwe mpeyo mu mvula eyo itontola kuya ku Mexico. Alimwi ngooyo wakaliimvwi awo.

¹⁴³ Elyo Billy Paul wakaboola kuli ndime, mwana wangu mulombe, akuti, “Bataata, mu leelede kucita cintu cimwi. Kuli mwanakazi muna Mexico kuya ujisi mwana uufwide cifumo sunu. Ta ndijisi ma asha bakubwene kuti bamukasye

mu mundando.” Ikuti na kubikka maanza a mwaalumi oyo ofweede kwakapa kuti abone, kubikka maanza aa mwana wakwe uufwide inga kwamupa buumi. Wa kali muna Katolika. Alimwi, walo, tiiba konzya ku mukasya.

Elyo Mukwesu Espinoza abamwi baka mwaambila kuti, “Ta tu jisi makkadi aa mipailo aambi. Uli ndile kusikila masiku aboola.”

¹⁴⁴ Waa kati, “Mwana wangu uli fwide. Uli fwide kuzwa cifumo sunu. Nde elede ku njila muya.” Alimwi wakali kuboola, kkadi lya mupailo na pe. Elyo bakaima awo mu mundando ma asha bali myaanda yotatwe kuya. Elyo wa kali kwiinda kungsi aa mauulu abo, a kusotoka atala kusule lyabo, a kuzuza a mwana oyu uufwide, a kuwida akati kabo. Tii ca kabamba lwandaano kuli nguwe; wakali kusola kusika kuya. Wa kali pengede. Leza wakaamba mu moyo wakwe, kuti, “Leza oyo ukonzya kupa kubona, inga wa konzya kupa buumi.” Oh, ma! Wa kalipengede. Cintu cimwi cakali kupya muli nguwe.

¹⁴⁵ Oh, nywebo bantu no muciswa, kuti mwalekela eco cipye muli ndinywe kwa kaindi kasyoonto, a kubona cicitika, kupengana kwa musyobo oyo. I Leza oyo wakakonzya kuponya mulombe muniini oyu masiku amwi, inga wa konzya kuponya mwanakazi ulya ujisi kkulenge, kuponya mwaalumi oyu, a kucita eci, Muka Florence Nightingale, oh, makumi aa zyuulu! Walo, obo, bumboni butakwe bukazy; ku busya bafu, a kuponya baciswa, a zimwi zyoonse zimbi. Ikuti na Ngu Leza, uunga wacita obo; Ngu Leza ijilo, Ngu Leza asunu. Ko pengana, mpoonya uyo jana cintu cimwi cacitwa.

¹⁴⁶ Mpoonya, mu kupengana oko, waka zumanana kuboola. Nda kati ku Mukwesu Jack Moore, Nda kati, “Ta ndizi mebo. Tana ndibwene. Tazi kuti nguni uli kokuno aa cibumbili. Oyo mwanakazi muniini muna Katolika, lino, taakali kukonzya kwaamba ibbala lya Chikuwa, aboobo mpawo walo ulaziba buti kuteeti oyu nguni?” Nda kati, “Kozumanana kunselelo, a kupailila mwana oyo, alimwi eco cila mukutya, alimwi ula kuli zumanana kweenda.” Kati, “Alimwi ta cikocita. . .” Kwakali kuzumanana buyo kooloma aansi kuya. Waa kunga wasotoka mujulu, nkabela bantu boonse bakali kunga bakwiila. Waa kali kunga wazuzila aatala nkoonya ku zifuzi zyabo, a kuwida akati kabo eni. Waa kali kunga wajana kweenda kwa ntaamo zisyoonto, alimwi bakali kunga basola ku mujosya; alimwi ngooyo wasika moonya aakati ka mauulu abo, kajisi muvwanda oyu, kubawisya ma asha a zintu zimwi zimbi. Tii cakapa lwandaano, wali kusika kumbela kuya. Wa keelede kusika kuya! Ta cipi lwandaano noluceya ambo cakabede, wali kwiinka kuyosika kuya. Kajisi mukambausi. . .

¹⁴⁷ Lino sena taali makani mbuli a mwanakazi waku Shunemu? Nkuti buyo, tii cakali mu myaka ili myaanda a makumi otatwe

ayosanwe. Eco kwakali kutandila myaka yotatwe, na yone. Mwabona?

Bala konzya kuba cintu nciconya ano masiku. Cindi kupengana nkukonya kwa buka, kulaleta luyando a lusyomo kuya kumbele lya busena bwa kulwanina nkondo, kuyo taminina eco nco yanda, nkaambo ncisyomezyo ca Leza cakuti inga waba aco. Obo mbo mbubonya.

¹⁴⁸ Nda kanyona; mebo, mukambausi, na muvangeli ku busena. Nda kanyona. Nda kafwa lweetelelo ku mwanakazi, pele kwakanyina kupengana. Mwabona? Nda kanyona a kuyeeya, “Mbubo, Mukwesu Jack ula mu kombela, alimwi eci—eci cila cisitikizya.” Nda kalanga langa. Nda kati, “Mbuli mbo Ndali kwaamba lino, lusyomo . . .”

Elyo Nda kalanga kuya, elyo mpaawo kwakali cilengaano. Nda kabona muvwada ulikede awo, musyoonto ujisi busyu busiya, muvwanda waku Mexico uuta jisi meno. Wa kali kundisekela, kaakede alya. Nda kati, “Lindila asyoonto. Lindila asyoonto.” Kupengana kwakwe kwa kacita Muuya Uusalala kusandula ciyo cangu, kusandula meso angu a ku nditondezya muvwanda ukede alya. Ca katuma Muuya kuti ujoke. Nda kati, “Lindila asyoonto. Lindila asyoonto. Amu ndiletele mwana.”

Ngooyu waa kaboola a kagubo, katetede, kakanjilwa meenda, ka bbulu akutuba, mutunta musyoonto, utandila kulampa obo. Waa kawa, a kapingano mu janza lyakwe, na ntambo ya bulungu, kuti atalike kwaamba eyi “mipailo kuli Mariya.” Nda kati, “Ko yobola eyo, ta ijisi mulimo.”

Elyo waa kaswena afwaafwi mpo Nda kabede, alimwi waa koongolola, “Padire,” caamba kuti, “Taata.”

Nda kati, “Utaambi boobo. Utaambi boobo. Sena ula syoma?” Alimwi waka mwaambila mucu Spanish walo waa syoma.

“Iiyi,” wa kasyoma. Wa kamubuzya kuti wa kasyoma buti. Wa kati, “Ikuti na Leza inga wapa kuti ulya mwaalumi abone, inga wapa muvwanda wangu buumi.” Ameni. Kupengana kwa kamuleta kuli ncico. Taakwe cintu ku lubazu lwangu; Nda kabona buyo cilengaano.

Nda kati, “Mwami Jesu, Nda bona cilengano ca muvwanda musyoonto, ambweni nguwenya oyu.”

Kutandila ciindi eco nciconya eco waa kabbansa matende aakwe, wakatalika, “Whaa! Whaa! Whaa!”

Nda kati, “Amu mutobele kuli dokotela. Mu kabweze pepa lya bulunguluzi kuzwa kuli dokotela, ‘Oyo muvwanda wakali fwide.’” Alimwi . . . dokotela wakalemba bulunguluzi, “Oko kuyoya kwa muvwanda, a moyo kwaleka cifumo sunu, mu ofesi lyangu aciindi ca naini okoloko, wafwa ku tumano twa ku mapunga oonse.” Oh, muvwanda ucipona masiku ano

kuya ku Mexico, kweendelana ambo Ndi zyi. Nkaambonzi? Kupengana kwa kanjila mu moyo muniini wa banyina, kalilila muvwanda wakwe, naa kabona Leza kacita . . . kuponya meso aa muntu moofu, alimwi wakaziba kuti inga Wa busya muvwanda uufwide.

149 Kupengana! “Mwaa ku Ndi yandaula a myoyo yanu yoonse, mpoonya Ndiyo muvwiila.” Mwabona?

150 I Bwami! “Mulao a basinsimi bakaliko kusikila kuli Johane. Kuzwa eelyo, Bwami bwa Kujulu bula kambaukwa, a bantu bala bunjila ca kulisungilizya muli Mbubo.” To imikili buyo a kuti, “Ko ndibweza caku ndaanga, Mwami, ko ndisyonka.” Ula lisungilizya muli Mbubo. Ula pengana, aakati ka Buumi a lufu.

151 Ni Nda jisi ciindi ca kwaamba kaano kambi, nke Ndali kuyeeya lino, ka mwanakazi, musimbi, wakabweza inzila ilubide, alimwi a mbwa kacinca bube a zintu, kusikila Nda kati, “Mucizi . . .”

Waa kanyamuka a kuti, “Ndi—Ndi lasyoma Ndi laba kabotu.”

Nda kati, “Peepe, peepe! Kokkala awo.”

Elyo mpoonya, cintu citaanzi nywebo mulizi, wa katalika kupaila buniini, alimwi mpoonya wakatalika kwaambisya a kwaambisya. Nikwa kamana kaindi wa katalika kupengana, a kuti, “O Leza, ko ndifutula!”

152 Kusilikwa kutazizilwe kwa Penzi lya bukoko tii kwaka konzya ku cisilika ku muponya. Kwiina cakali kukonzya ku cicitu. Pele meso mapati, asiya aka ndilanga, a misozi kailoka aa masaya aakwe; wakati, “Cintu cimwi cacitika.” Oh, iiyi! Iiyi, munene! Cintu cimwi cacitika. Waa kapengana.

153 Atu pengane aceeci; aakati ka lufu a Buumi.

154 Ikuti a tokonzyi kupengana, uta booli kuno. Ikuti na wapengana, uboole kuno a kubona, yebo—yebo ula cijana mbo tiisikile buyo kuno.

155 Atu kombe. Mu kupengana atu langile Bwami bwa Leza, Bu lasika aali ndime.

156 Taata wesu Wakujulu, Nda Ku kumbila mu Zina lya Jesu, kotufwida luse, Mwami. Alimwi kotalika muli ndiswe kupengana. O Mwami Leza, ko tufwida luse, Nda kumbila, alimwi koleka bantu Ba kuyandaule masiku ano a myoyo ipengede. Tu lizi kuti Mpoli aano, Mwami. Ndo nduwe mbobuca nguwenya, sunu, amuya myaaka.

157 Elyo aba bantu ba bweza Citondezyo, kuti bazwa ku lufu a kuya ku Buumi, basanduka kuzwa ku buumi bwa kaindi bwa nyika kusika ku bupya. Bali jisi. I Bulowa bwabikwa; alimwi, Leza, wabapa cilanzyo ca Citondezyo. Akube kuti ba bweze Citondezyo mu maanza abo, aba baciswa, bati, “Ndi cintu

cakaulwa ca Leza. Ndili muli Kristo, alimwi muli Nguwe taakwe malwazi. Ndili muli Kristo, alimwi muli Nguwe taakwe cibi. Ndili muli Kristo, alimwi muli Nguwe taakwe kuunduluzya. Nda kaka zyoonse dyabulosi nzyaka ndaambila. Nda bweza Citondezyo cangu a kuti. . . ‘Wa kayaswa nkambo kansotoko zyangu; Wa kaumwa nkaambo ka milandu yangu; kukomwa kwa luumuno lwesu kwakali aali nguwe; a mibunda Yakwe Nda kaponesegewa.’ Alimwi lino Ndili jisilidi Citondezyo, kuti Leza wanditambula, bukanze obo, Muntu, wakaulwa a Bulowa bwa Mwami Jesu. Alimwi Ndi lijisi Citondezyo ca lufu Lwakwe mu maanza aangu, nkaambo Wa kabuka alubo, alimwi Ndili Wakwe Awalo Ngu wangu. Ndili kanzide a lusyomo, kuti kuzwa sunu masiku, Ndi lasyoma muli Leza, alimwi Ndila ponesegewa Nda inka alya a kucita ziyandika.”

Nkaambo, Majwi aakwe aa mamanino akazwa ku milomo Yakwe, nga kuti, “Ikuti na bakabikke maanza abo aa balwazi, bayo pona.” Ko cipa, Mwami. Kupengana a kunjile, nkaambo Nda kukumbila mu Zina lya Jesu. Ameni.

Nda konzya, Ndiyo, Nda syoma;
Nda konzya, Ndiyo, Nda syoma;
Nda konzya, Ndiyo, Nda syoma
Kuti Jesu ula ndiponya eno.

Oh, Nda konzya, Ndiyo, Nda syoma;
Nda konzya, Ndiyo, Nda syoma;

Amuyeeye buyo, “Ndili kanzide!”

Nda konzya, Ndiyo, Nda syoma
Kuti Jesu ula ndiponya eno.

¹⁵⁸ Sena mula syoma obo? [Mbunga yaamba, “Ameni.”—Mul.] “Ndili kanzide! Ndili kanzide, kwiinda mu luzyalo lwa Leza, kuti ta Ndi koyooleka mane Cintu cimwi cika ndivumpe. Alimwi Ndila inka kuya kuti ndi kabikkwe maanza.”

Lino, Leza kwiina nata tu citili zintu. Alimwi Ndila syoma kuti Musilisi mupati ulafwaafwi. Ndila syoma Leza wakalemba Ijwi, Ndila syoma Leza wakabamba cituuzyo, Ndila syoma Citondezyo ca Leza cilatusalazya kuzwa ku cibi masiku ano, Citondezyo, Buumi Bwakwe Mwini, buli waano a ndiswe. “Ndi nooli a ndinywe, mane kusikila ku mamanino aa nyika. Kwa kaindi kasyoonto nyika taici Ndi boni limbi, nekubaboobo nywebo muno Ndi bona, nkaambo Ndi nooli a nywebo, akuba muli ndinywe, kusikila ku mamanino aa nyika.” Sena mula syoma obo? [Mbunga yaamba, “Ameni.”—Mu.] Ndila syoma muli Nguwe. Ndila syoma kuti Ula cicita. Sena a ndinywe? [“Ameni.”]

¹⁵⁹ Lino, kufumbwa buyo Nda talika obo, Ndi bona zilengaano kazilibonya, ameni, zilengano zipati zya Mwami, kazili mu kwaamba zintu zipati. Ameni! Ikuti Nda talika ezyo, tu nooli kokuno masiku onse. Sena muyo cisyoma? Sena mula cisyoma? Ameni! Ndila syoma a moyo wangu onse.

¹⁶⁰ I mwanakazi ukkede kuya kuzwa Mukwesu Palmer, mweenzu kuli ndime. Uzwa ku Georgia, alimwi uciswa bulwazi bwa kubwanakazi. Ikuti na ula syoma kuti Leza ula kuponya, Ula cicita. Taakwe ni nda kamubwene mwanakazi mu buumi bwangu, pele eco nce cilubide kuli nguwe.

¹⁶¹ Oyo mulindu muniini, Ta ndizi na lutaanzi wakaumvwa Mulumbe, na pe, pele ni Ndali kukambauka kuno, Nda mubona. Kosyoma buyo a kubona kuti na eco cili luleme. Ameni. Ikuti na mwasyoma buyo! Obo mbombubo.

¹⁶² I mulindu uukkede awa uciswa musana, uciswa loko, izina lyakwe ngu Muka. Wisdom. Ikuti na wasyoma a moyo wako oonse, Jesu Kristo ula kuponya. Nse na mubwene mwanakazi mu buumi bwangu, pele uli kkede alya, ula ciswa. Uu samide dressi lya yelo. Sena mbombubo? Kuli kabotu. Sena tuli beenzu kuli umwi aumwi? Iiyi. Mbombubo, munene. Koya ku ng'anda, koba kabotu. Jesu Kristo wakuponya. Ameni.

¹⁶³ Aumbi mwanakazi wazwaa kucijata eco, kuciswa musana, uli kkede awa. Walo uciswa musana. Uli jisi mulombe, uciswa mutwe. Uh-huh. Obo mbombubo. Muka. Parker nde zina lyakwe. Sena wasyoma a moyo wako oonse, alimwi Jesu Kristo ula muponya nyoonse. Ameni! Tuli beenzu kuli umwi aumwi. Obo mbombubo. Ameni! Ko syoma a moyo wako oonse.

¹⁶⁴ Ngooyu mwaalumi mudaala ukkede kusule awa uzwa ku Michigan. Uciswa matwi. Oh, uyeeya kuti umvwa majwi, ipenzi lya mu muuya. Sena obo mbombubo? Uli mu kusyoma eco—eco. . . To zyi na kuti ngu Leza, na kuti ncinzi caambaula kuli nduwe. Umvwa kuyooba mu matwi aako. Ndi mweenzu loko kuli nduwe. Kutu obo mbombubo, tambika maanza ako, alimwi nce cili mu kucitika. Ta cika kupenziyi limbi, Jesu Kristo wakuponya.

Sena mula musyoma Musilisi mupati? [Mbunga yatangala a kwaamba, "Ameni."—Mul.]

¹⁶⁵ Inga ndaambula kuli nduwe, pele, kuzwa ku Norway, alimwi tomvwisyi; musyobo waku Norway. Uh-huh! Ncibotu, amu mwaambile aunke ku ng'anda, kasyoma, mucizi, kuti ulizi ku caamba. Yebo umwaambile kuti penzi lya mutwe wakwe lilamana. Lino, nywebo mulizi ta ndimuizi. Wa kaboola kuno kuzwa ku Norway, kuti azokombelwe. Ko piluka, a kuba mwaalumi uponede. Ameni.

¹⁶⁶ Oh! "Jesu Kristo mbobuca nguwenya, sunu, amuya myaaka!" Nci nzi? Oyo Musumpululu wa Mulilo. Ngu Muuya Uusalala. Nce ciya Citondezyo, cakuti Jesu Kristo ulapona. Alimwi cindi bantu, niba ka mubona kaindi maningi, ku Mu bona kacita zintu ezyo, Wa kaziba miyeeyo yabo nkaambo Walo ndi Ijwi. "Alimwi Ijwi lilabosya kwiinda ipanga lijisi mabemba obile, alimwi lilabeteka miyeeyo a kuyanda kwa moyo wabo." Ameni.

¹⁶⁷ Nda bona maanzi kabalangala, alimwi oyu mulombe mukubusyi kaboola. Wa kamvwa, alimwi wa kabala bbuku kuya, alimwi lya kalembwa, mucu Norway. Wa kaba a kumvwa; muntu umwi wa kaambaula kuli nguwe. Ujisi penzi, pele, ikuti na wasyoma a moyo wakwe oonse, Mwami Jesu ula kuponya. Wazwa kule, alimwi mwana mucete, ali eco, usola kuli syanikizya mukati. Alimwi tula bikka maanza ali nguwe, mu kaindi kasyoonto.

¹⁶⁸ Sena mula syoma? [Mbunga yaamba, “Ameni.”—Mul.] Ameni! Obo mbocili cibotu loko! Oh, ma! “I Musilisi mupati lino ula afwaafwi!” Mucizi, uli kuli oyo Mucizi Ungren, a mucizi umbi aa piano? Ndi yanda kuti muboole cakufwambaana, na inga wvacita, a kutupa nyimbo, “Oyo Musilisi mupati lino ula afwaafwi, Jesu uufwida buuya.”

¹⁶⁹ Ndi yanda bantu bali mwakwiinda omu *awa*, bayanda kukombelwa, mu buteteete aba boole ku lubazu *olu*, mwakwiinda komwe buyo aa ciindi comwe. Mukwesu Neville, kocita obo na ula konzya. Uli kuli Mukwesu Capps na umwi wa baaba basikwiimbya? Ino Mukwesu Ungren, na Mukwesu Capps, na umwi, aboole kuno, a kwiimba, kutwiimbya lwiimbo *olu* na ula konzya. Sena Mukwesu. . . Uli kuli umwi wa bakwesu aba? Mbubo. Mbubo, munene, eco ncibotu. Mbubo. Bantu oonse mu kukomba!

¹⁷⁰ Amuyeeye, kupengana! Amubone eco kupengana nco kuyocita? Kupengana kula kuzubusya lwizi. Kupengana kula kuleta ku cooko cimbi. Kupengana kuyo kutola ku busena buli boonse. Taata uyandika umwi mudaala a mwana wakwe musimbi, a kupenga, bakasola ku njila, kunjila, zintu zyoonse zimbi, a kukkala kufumbwa; kaindi kasyoonto kaindi Muuya Uusalala wa cipa cintu muno mu muswaangano, ka Ndi tana njila muno. Oh!

I lwiimbo lubotu loko luzizilwe lwakaimbwa
lyonse,
Jesu, uulelekedwe Jesu.

I Musilisi mupati eno ula afwaafwi,
I sikweetelela. . .

Mwami Jesu, kopa, komvwa mupailo wa mulanda Wako, Mwami. Nda kumbila kuti Ugwasye umwi aumwi wa baaba mbo tu kombela, ku Bulemu Bwako, mu Zina lya Jesu.

. . . jwi lya Jesu.

Bwiimbe bubotu loko mu kaimbo ka baangelo,
Zina Bbotu loko ku lulimi lwa muntu uufwika,
Oh, lwiimbo lubotu loko luzizilwe
lwakaimbwa lyonse.

Amuleke abo bapengede lino, bazi ncobeni kuti bala ponesegwa . . . Amuyeeye buyo, mbuli mbo Ndi zyi, boonse babo, Munsondo yamana masiku, baka ponesegwa mvwiki eyi.

I sikweetelela . . .

¹⁷¹ Amulange, Ula sika. Mwabona, Wa muponya kale. Ula leta Ijwi Lyakwe, Ula Li sitikizya, Ula tondezya Busyu Bwakwe. Taakwe muntu ukonzya kucita ezyo zintu kunze lya Leza. Nywebo mulizi obo. Ncitondezyo ca Mesiya. Alimwi nywebo mulizi kuti ta Ndili Mesiya, aboobo Nguwe. Lino awa Wa tondezya zintu zyoonse kuli ndinywe.

Lino ceelede ku mubikka mu kupengana. Ce elede kupa kulimvwa kubotelezya aa busena obu a kuguma . . . Peepe, mbubonya buyo mbuli i—i—i mancisi ku mululi wa musili. Nincobeni! Alimwi ce elede kupoomona lusyomo lunji, a— a luyando a kupengana kuleta bantu mu Bwami bwa Leza, kusyoma a moyo wako oonse. Sena mula syoma lino, nyoonse umwi aumwi? [Mbunga yaamba, “Ameni.”—Mul.] Mbubo. Lino, Billy, kobweza i . . .

¹⁷² Tony, kolanga okuno kuli ndime asyoonto. Ta ndina kubona kwa ciindi cilamfu, pele ula ciswa. Ula ciswa mbuli cilwazi cimwi cakalowa. Obo mbombubo. Cila mana. Cila kusiya. Nda cibona ciya cintu ka cimucilila, na talika kwiinda muya. Taakwe cintu cikonzya kusiwa kuli Leza lino ncobeni. Ta ndina bona . . . Ta ndina bona Tony kwa myeezi, mbo Ndi yeeya, pele Nda bona kuti ulijisi eco. Wa kali cijisi; ta jisi lino.

¹⁷³ Atu kotameke mitwe yesu. Kutabi liso lijuka. Kutabi liso lilanga. Bantu boonse ababe mu kukomba. Alimwi Billy Paul na Mukwesu Neville, umwi, ulaita mindando itii ccilile casika ciindi. Lino bantu boonse mu kukomba. Tu yosola eno; mwakwiinda aakati muyo boola ku lubazu lwalumwesi cindi mwaitwa, alimwi mbubonya bali i—i mwakwiinda lwalumwesi kutala *awa* amu boole ku lubazu lwalumwesi cindi mwaitwa. Mukwesu Neville ula mwiita.

Lino, ndali buzya na kuli umwi wa bakwesu awa banga baima awa a kubikka maanza aa bantu aba mbuli mbobainda, a ndime? Kufumbwa wanu no bakwesu bakambausi, muli tambwidwe ncobeni kuboola kuzoima a ndime na ka muyanda kucicita. Tacili cintu cabamwi buyo. Muli jisi nguzu zyaku kombela baciswa mbobunya mbuli Ndime.

Ndi lizi Muuya Uusalala nkouli ano. Kufumbwa muntu uta konzyi kusyoma eco, kuli cintu cimwi cilubide kuli nguwe.

¹⁷⁴ Mbubo, atu syome lino a myoyo yesu yoonse, kuteeti Leza ulatupa zintu ezi nzetu kumbila. Amube a lusyomo lino. Muta donaiki.

Elyo bantu boonse amu kombelane, umwi aumwi. Ino Bbaibbele lyakaamba nzi? “Mu lyaambilile milandu yanu kuli umwi aumwi; mu kombelane umwi aumwi . . .”

¹⁷⁵ Alimwi nywebo no bantu nomu boola mu mundando, kufumbwa buyo maanza aya a mujata, amuzwe buyo awa cakukkumana a kulumbaizya Leza kuti mwa ponesegewa.

Mbubo, bantu boonse mu kukomba lino Mukwesu Capps naimbya inyimbo.

Mwami Jesu, ko tugwasya lino. Nda kumbila, kwiinda mu Zina lya Jesu Kristo, kuti Muuya Uusalala ugume muntu oonse, alimwi akube kuti baponesegewe mbuli mbo tu ccilila malailile Aako kubikka maanza aa balwazi. Wa kati, “Bayo pona.” Tula cisyoma, Taata, mu Zina lya Jesu. Amenii.

Mbubo, bantu boonse mu kukomba lino mbuli mbo tu talika kukomba. Lutaanzi, mulombe muniini uciswa uukede mu whiiluceya.

Kubikka maanza aa mwana, mu Zina lya Jesu Kristo, kuti aponesegewe.

Iiyi, munene.

Mu Zina lya Jesu Kristo . . . [Mukwesu Branham a bakambausi babikka maanza aa balwazi abo bali mu mundando waku kombelwa kwa maminiti aali kkumi alusele, pele mipailo taimvwigwi. I mbungano yakomba akuzumanana a kwiimba I *Musilisi Mupati*—Mul.]

I lwiimbo lubotu loko luzizilwe lwakaimbwa
lyonse,
Jesu, ulelekedwe Jesu.

¹⁷⁶ Mbangaye banu basyoma kuti Leza wacita, uli masimpe mu moyo wako, a kanzambwene kanamatikidwe, kuti Leza wavwiila ku kumbila kwako nkaambo waswilila Ijwi Lyakwe? Ca citwa. Kwa mana. Ca—ca citwa. Ko syoma a moyo wako oonse, kuti mulimo ulimanide.

¹⁷⁷ Lino amulange mvwiki ino, alimwi mwa kujoka lubo, mu kalange ca cicitika.

¹⁷⁸ Ndi yeeyela kuti, ciindi ciboola Nda joka, Mwami nawayanda, Ndi noendelezya mundando wa mipailo kwiinda muli kamwi ka twaanda, mu kaanda ako kaniini oko nko Nde elede ku batola, nywebo mwabona. Nda syoma cili muku vungunuka lino, nywebo mwabona, i oora.

¹⁷⁹ Ndi yanda kusika awo Mpe konzya kuleta bantu omwe aaciindi, kubagwasya muntu kumugama, kusikila Nda cilangisisya a ku cibona, a kuzumanana mbubonya obo, kusikila Nda ba ambabo kuciindi eco.

¹⁸⁰ Leza amuleleke nyoonse. Twa botelwa loko kuti mwakaliko kuno. Sena muli jisi . . . Sena mula kakatila lino? Sena muli . . .

Sena muli mu kupengana, kupengana kwanu nko mwa jisi ku kuponesegwa kwanu? Sena kwaleka koonse lino, mu luyando a lusyomo a kaanzambwene kuti Leza uyocita Nca kasyomezya kucita? [Mbunga yaamba, “Ameni.”—Mul.] Leza uyo cita.

Kuzwa ku bana basyoonto abo, kuli bobile na botatwe baabo kuno masiku aya, mu mawhiluceya, Nda . . . Tu ba syomenene, balo mbana, kuti bala ponesegwa, abalo. Bayo oba kabotu. Sena ta musyomi obo? [Mbungano yaamba, “Ameni.”—Mul.] Ameni! “Bayo pona.” Ba leelede kupona. Leza mbwa kaamba obo. Alimwi tuli pengede, alimwi tula cisyoma lino, kuti cila citwa.

¹⁸¹ Lino, miswaangano yesu ijatikizya cintu comwe kwamana cimwi acimwi kwini. Lino tula mwaisya baswiilizi kuli baabo beelede kwiinka. Elyo kwiinda kukubona Nkwe konzya, kutandila maminiti ali lusele kusika teni okuloko. Alimwi, kuti mweleede kwiinka, twa—twa botelwa kuti mwali kuno, alimwi tu yanda kuti mu kaboole alimwi kuzoba a ndiswe. I bamwi banu, twa mana kwiima, tula kkala alubo; a baabo bainka, amuunke cabutontozi mbuli mbo kukonzeka. Elyo mpawo tu laba a mulalilo mpoonya biyo kwamana eco. Mwa tambwa kukkala a ndiswe na inga mwakonzya. Ikuti na tamu konzyi, Leza amuleleke. Ka mudi kombela. Ndi no mukombela. Alimwi, amuyeeeye, a mubambe Citondezyo ka cibikidwe, alimwi amube a kupengana a kuli syanikizya mu Bwami bwa Leza. Ameni!

Lino tu laimba nyimbo yesu ya kumwaika, ikuti na twa konzya, alimwi, *Ko Tolelela Zina Lya Jesu*, mbuli no twiimikila.

. . . ko tolelela Zina lya Jesu,
Mwana wabuusu a mapenzi;
Liyo kupa lutangalo a kuumbulizigwa,
. . . masena oonse nkoya.

Zina liyandisi, Zina liyandisi! O obo mbolili
bbotu, O obo mbilili bbotu!
Bulangizi bwa nyika a lutangalo lwa Julu;
Zina liyandisi, O obo mbolili bbotu, obo
mbolili bbotu!
Bulangizi bwa nyika a lutangalo lwa Julu.

Amu sukane mu maanza umwi aumwi, a kuti, “I Mwami akuleleke, mukwesu wangu muzwakule, mucizi.” Mukusakana, mukusiniza, mububombe, alimwi beenzuma Banakristo mu kujatana kwa luswaanano, amu sukane mu maanza, mukwesu a mucizi. Leza amu leleke nyoonse, antoomwe. Ncibotu!

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

Mane tuka swaangane! mane tuka swaangane!
 Mane tuka swaangane ku matende aa Jesu;
 mane tuka swaangane!
 Mane tuka swaangane! Oh, mane tuka
 swaangane!
 Leza abe a nywebo mane tuka swangane lubo.
 Mane tuka swaangane! mane tuka swaangane!
 Mane tuka swaangane ku matende aa Jesu;
 mane tuka swaangane!
 Mane tuka swaangane! mane tuka swaangane!
 Leza abe a nywebo mane tuka swaangane.

[Mukwesu Branham watalika kung'ung'una *Leza Abe A Nywebo*—Mul.]

¹⁸² Obu bubotu a luswaanano lwa Citondezyo cipati ica Leza, Muuya Uusalala, akube kuti Akka lilile cabuvubi a ndinywe nyoonse mane tuka swaangane alimwi. Luzyalo lwa Leza lwiinke a ndinywe, a kuuma nzila zya lufu kumbele lyanu; kulondola nzila yanu, kuti mukonzye kubona Jesu lyonse kumbele lya busyu bwanu, alimwi tamu kazunganisigwi.

¹⁸³ Taata Wakujulu, twa bikka kuswaangano oku, a kuswaangano oku cifumo cino, miswaangano eyo a ceeco ca citwa, a bulemu boonse kuli Nduwe, kupa kulumba kuli Nduwe a kulumbaizya nkambo ka kufutula bantu, a kuponya bantu, a kutupa luzyalo Lwako lupati olo ndo tu langa toonse. Ko tu futula. Mbotu Ku lumba kuli ceeci. Koba a ndiswe lino kusikila mane tuka swaangane lubo. Kotu swaangana mu mulalilo. Koba aa myootokala ya baabo beenzya, Mwami, ku miinzi yabo. Ko beenzya kwiinda mu mazuba aya akupumuna aatakwe ndaba acicitika, kuti kutabi kuli cisa aa ntenda inga yaboola kuli mbabo. Mu Zina lya Jesu Kristo twa kumbila. Ameni.

Mbubo, *Ko Tolelela Zina Lya Jesu*, lubo.

Ko tolelela...Zina lya Jesu... (Mwa
 mwaisigwa eno, mu Zina)... tolelela,
 Mbuli intobo ku tooze toonse;
 Cindi masunko a ku bungilila...

Ino ucitanzi mpoonya?

Kwaamba buyo Zina eelyo lisalala mu
 nkombo.

Zina liyandisi, Zina liyandisi! O obo mbolili
 bbotu, O obo mbolili bbotu!
 Bulangizi bwa nyika a lutangalo lwa Julu;
 Zina liyandisi, Zina liyandisi! O obo mbolili
 bbotu, obo mbolili bbotu!
 Bulangizi bwa nyika a lutangalo lwa Julu.

Ku Zina Iya Jesu kukotama,
 Kuwa kufugama ku matende Aakwe,
 Mwami wa bami ku Julu tuyo Mu samika
 musyini,
 Cindi lweendo lwesu lwamana.

Zina liyandisi, O obo mbolili bbotu!
 Bulangizi bwa nyika a lutangalo lwa Julu;
 Zina liyandisi, O obo mbolili bbotu, obo
 mbolili bbotu!
 Bulangizi bwa nyika a lutangalo lwa Julu.

¹⁸⁴ Lino kamutana kkala, kuciindi inkamu noilimu kubatama ino nkambo ka mulimo wa mulalilo.

Ikuti na tii Nda lubila, sena tali Mukwesu Blair, mukambausi ngo Nda kaswaanganya kuya ku Arkansas kutali ciindi cilamfu? Ndali kuyeeya kuti ngo nguwe. Tii ndali bwini. Wa li kokuno ku kutuulwa kwa mwana, muvwanda muniini, cifumo sunu. Ndali kuyeeya . . . Sena tii Nda ka kuswaana kutali ciindi cilamfu, kuya ku Hot Springs, Arkansas? A ndinywe kwakali i . . . Cintu cimwi cakali kuyanda kucitika, alimwi Muuya Uusalala waka caamba. Sena cakali boobo? Ncibotu. Nda buyo . . . Nda talika kuyeeya buyo kaindi mpawo, Nda yeeya, “Ngo nguwe mukwesu.” Nda botelwa kuti uli kokuno, Mukwesu Blair.

¹⁸⁵ Lino Ndiyo lomba Mukwesu Blair kuti atu kombele kuli Leza kuti atu salazye lino ku mulalilo oyo ulaafwi kucitika. Sena inga wacita, Mukwesu Blair? [Mukwesu Richard Blair wakomba—Mul.] Iiyi. Iiyi, Mwami. Kocipa, Mwami. Iiyi, Mwami. Iiyi, Mwami. Iiyi, Mwami. Iiyi. Iiyi. Amenii.

Inga mwakala lino, umwi aumwi.

¹⁸⁶ Alimwi lino aa organi, mucizi, kuti inga nyoonse mwalizya buyo *Kuli Kasensa Kazwide Bulowa*. Alimwi inga mwatalika yanu . . . kamubatola kuya, kufumbwa ciyandika. Mbubo, kubala lino, kuti na inga . . . twa umuna kwa kaindi.

Iiyi, mucizi? [I mucizi wati, “Kobweza kasila kangu?”—Mul.] Mbubo, mucizi, uyandaule awa kusikila ukajane, eco inga caba kabotu mpawo, kufumbwa cili kokuya. Mbombubo na? Mbubo, mucizi.

¹⁸⁷ Mbubo, lino Mukwesu Neville ulabala cilayo ca mulalilo.

Elyo mpawo ma asha bano boola, na kuli beenzu kuno, ku cuuno coonse, amu balete mwakwiinda a mwakwiinda, mbuli mbo tu boola, alimwi mundando a mundando, ku mulalilo.

¹⁸⁸ Elyo lino amube mukuyeeya lino. Amuyeeye, Israyeli ya kaulya mu kupengana, alimwi kwiinda mu lweendo tii kwakali uukompeme aakati kabo, ku mamanino aa myaka ili makumi one. Oku nkuponesegwa kwa Buleza, akwalo.

Mwami akuleleke, Mukwesu Neville. [Mukwesu Neville wabala Malembe accilila, Korinto Batanzi 11:23-32—Mul.]

Nkambo Nda katambula ku Mwami ayo makani ngi Nda kamusiila a mebo, Kuti Mwami Jesu ku masiku ayo ngaonya nga kaabwa wakabweza mukamu:

Elyo naakamana kulumba, wa kuukomona, wa kati, Amubweze, mulye: oyu ngu mubili wangu, ngu mu komwedwa: obu kamucita kuti cibe ciibalusyo ca ndime.

Kumane mu ciyanza nciconya wa kabweza akwalo cinywido, cindi na kamana kulalila, kwaamba, Eci cinywido ngu mulongo mupya uuli mu bulowa bwangu: ka mucita obu, mbuli ciindi kufumbwa nci munywa, kuti cibe ciibalusyo ca ndime.

Nkambo mbuli ciindi coonse kufumbwa ncimulya mukamu oyu, a kunywa cinywido eci, mula tondezya lufu lwa Mwami mane do akasike.

Nkikaambo kufumbwa muntu uulya mukamu oyu, a kunywa cinywido eci ca Mwami, cakuteelela, uyooba a mulandu ku mubili a ku bulowa bwa Mwami.

Pele muntu asaangune kulilingula mwini, elyo nati lye mukamu oyo, a kunywa cinywido eco.

Nkambo oyo uulya a kunywa cakuteelela, ulalya a kunywa lunyonyooko kuli lwakwe, kuta twelukwa mubili wa Mwami.

Nkambo kaako banji bali kompeme a kuciswa aakati kanu, a banji balafwa.

Nkambo ikuti na twa libeteka tobeni, ta tweelede kubetekwa.

Pele cindi twa betekwa, tula komwa ku Mwami, kutegwa tu tapegwi mulandu antoomwe a nyika.

[Mukwesu Neville wati, “Mwami alongezye kubala, kwa Ijwi.” Mukwesu Branham mpawo wabweza treyi ya mukamu uukomwedwe—Mul.]

¹⁸⁹ Ndi jisi cinkwa cini camulao, cipetedwe a kukomonwa, wiiminina mubili wa Jesu Kristo; kwiinda—kwiinda mu cisitilizyo eci cidelukide tu jisi nzila yakusika kubusena Busalalisya.

¹⁹⁰ Taata wesu Wakujulu, oyu mukamu wakabambwa kwiiminina mubili oyu waka komonwa a kuzapaulwa. Kolekela umwi aumwi wesu, mbuli notu tambula, acibe mbuli kuti twa cita mulimo oyu mubwini. Alimwi atube a kulekelelwa zibi zyesu, alimwi a nzila yakusika kubusena Busalalisya, kupona ku Busyu Bwako mu buumi bwesu bwa kumbele; amu mazuba oonse nge tuya kupona ansi ano, alimwi akuba a Nduwe mu

Butamani lyoonse. Ko cipa, Taata. Koleleka mukamu oyu ku bukanze obo bubambilidwe. Mu Zina lya Jesu. Amenii.

¹⁹¹ [Mukwesu Branham wabweza treyi ya nkomeki zyangilazi zisyoonto zizwide waini—Mul.] I Bbaibbele lya kati, “Na kamana kubweza a kukomana mukamu, mu nzila njiyonya Wa kabweza cinywido; elyo cindi Na kamana kunywa, kati, ‘Eci cinywido ngo Mulongo Mupya mu Bulowa Bwangu, bwakatilwa nkaambo ka ndinywe.’” Akube kuti Mwami abikke zileleko Zyakwe kuli ceeci mbuli mbo tu komba.

¹⁹² Mwami Jesu, Ndi li jisi ano bulowa bwa musaansa, musinza uzwa ku gireepu. Alimwi, Taata, nkwiiminina Bulowa obo buyandika butusalazya, kuti kuzwa Oko kwakazwa Citondezyo. Nda Ku lumba nkaambo ka Ncico, Taata, alimwi ku ciiminizyo eci. Wa kati, “Oyu uulya a kunywa Eci uli jisi Buumi buteeli, alimwi Ndiyo mu busya alimwi ku ciindi ca mamanino.” Twa Ku lumba nkaambo ka cisyomezyo eci. Alimwi, Taata, twa komba kuti Uyo salazya myoyo yesu, antoomwe, kuti tu keelele ku . . . lusyomo lwesu; kuziba kuti muli lwesu ta twe elede, pele lusyomo lwesu talu kaalilwi, kuti tuli muku tambula cakumaninina Bulowa bwa Jesu Kristo. Ko cipa, Taata.

¹⁹³ Elyo kosalazya waini ku kaambo nko wakanzilwa. Koleleka muntu oonse uutinywe waini oyu masiku ano, a kulya mukamu oyu, abe a nguzu zya lweendo luli kumbele. Ko cipa, Mwami. Koleleka babe a buumi bubotu a kuba bayumu, a kuzuzigwa a Muuya Wako, kusikila Jesu aka boole. Amenii. [Kabeela katakwe cintu aa teepu—Mul.]

¹⁹⁴ Nda syoma kuti Mulalilo nkukomba kumwi kubotu maningi, kusalala, kusetekene maningi kuliko mu mulimo wa mbungano. Kwakali zintu zyoobilo zya kasiilwa ndiswe, zintu zyoatatwe, zya kucita, ayo—ayo malailile a milazyo. Banji bantu balasola kwaamba, “Tu jisi mpikili ntaanzi.” “Tu jisi kabeela ka ciingano.” Pele kuli zintu zyoatatwe ziceede: Mulalilo wa Mwami, Lubapatizyo, Kusanzanyanya kwa matende, akali malailile otatwe ayo akasiilwa mbungano.

¹⁹⁵ Alimwi kuli ndime, masiku ano ciboneka kuba ciindi cisalesale kuli ndime. Mbuli mbo Nda ima ano a kulanga buyo; kanji Nda—Nda zumanana kukomba. Pele masiku ano, kulanga mikwasyi yandeeene, kubona mikwasyi imwi kaiboola kuno kuzwa ciindi ni Nda kali mulombe mukambausi, ndakaima ano aa zibuye zizwide tukwa twa mapulanga, alimwi Nda . . . bamwi babo mbapya. Pele kulanga baalumi kaba boola a bamakaintu babo basyoonto a mukwasyi, elyo kubona mbo basumpulana umwi aumwi, alimwi aku setekana kwa ceeco, mbuli mbo balanga bana babo; kubona mulindu muniini a maanza aakwe katandabika, a kuyeeya, “Oko kuboko kusyoonto kwa kasanzya, a ku kupukuta misozi kuzwa ku meso aa muvwanda.”

¹⁹⁶ Elyo Nda bona mikwasyi kaiboola cakuti Nda kali mu maanda abo cindi nobaka cisidwe, a ntuntumaanzi, bana; Mwami Jesu kubamba bana babo kuba kabotu. Nda kaba bona no bakali a kukatazigwa mu mukwasyi, Mwami waka ndigwasya ku cilulamika koonse; kubona kaba kkomene lubo. Alimwi inga Nda yeeya mbuli mbo kuyooba twa kwiinka ku Mucado waku Mangolezya. Nda lumba kuti Mwami kapati wapa kuti ndibe mulongwe kuli ndinywe a kumugwasya. Nda . . . nce Ndili waano.

¹⁹⁷ Alimwi Nda, yeeya mbo cititole, myaka yongaye; eci kutandila, Nda katalika kukambauka, kutandila 1930, a kutandila myaka iili makumi otatwe ayobile kuli ndime, eno, myaka iili makumi otatwe aitatu, Nda kali kukambauka. Mpawo, kubeleka canguzu koonse a masukusyo alimwi, boneka mbuli, nekuba, cindi—cindi twa boola kuno, kwalo—kwalo koonse kula lubwa. Mwabona? Mu—mu boneka mbuli kuti kuli cintu cimwi kujatikizya Mulalilo kugwisya buyo koonse—koonse kunyongana kuzwa ku zintu, kulya Mulalilo. Mwami amu longeze.

¹⁹⁸ I mwaalu lino wainka, kubala Lugwalo lwa mulimo wakusazyanya matende.

¹⁹⁹ [Mukwesu Neville wabala Johane 13:2-17, alimwi wajala kuswaangana—Mul.]

[Elyo mulalilo niwa kamana, dyabulosi mbwa kabikka lino mu moyo wa Judasi Iskarioti, mwana wa Simoni, kuti a mwaabe;]

[Jesu kazi kuti Taata wamupa zintu zyoonse mu maanza aakwe, alimwi kuti wakazwa kwa Leza, alimwi waunka kuli Leza;]

[Wa kabuka kuzwa cilalilo, a kubikka zisani zyakwe ambali; a kubweza cisansamuzyo, a kulyaanga mwini mu cibuno.]

[Kumane eco wa katila maanzi mu mutiba, a kutalika kusanzya matende aa basikwiya, akuba sansamuna a cisansamuzyo acalo nca kalyaangide mu cibuno.]

[Mpawo kwa musikila Simoni Petro: elyo Petro wakati kuli nguwe, Mwami, sa ulasanzya matende aangu?]

[Jesu wakavwila a ku mwaambila, Eco Nce cita tocizyi eno; pele uyo mvwisya kwa kwiinda ciindi.]

[Petro wakati kuli nguwe, Yebo toko sanzya matende aangu. Jesu waka muvwiila, Ikuti na tii Nda kusanzya, toka swaanani a mebo.]

[Simoni Petro wakati kuli nguwe, Mwami, kutali matende aangu alo, pele a maanza aangu a mutwe wangu.]

[Jesu wakati kuli nguwe, Oyu wasanzigwa tabuli pesi ku matende aakwe, pele uli salalide mubili oonse: nkabela nywebo mula salala, pele kutali nyoonse.]

[Nkambo wa kalizi uyo wakeelede kumwaaba; aboobo wa kamba, Ta muli nyoonse musalala.]

[Aboobo nakamana kusanzya matende abo, a kubweza zisani zyakwe, elyo wa kakkala lubo, wa kati kuli mbabo, Mulizi na eco nce Nda cita kuli ndinywe?]

[Mula ndiita kuti Mufundisi na Mwami: nkabela mwaamba kabotu; nkambo obo mbo Ndi bede.]

[Ikuti na Mebo mpawo, Mwami a Mufundisi wanu, ndasanzya matende aanu; a nywebo mweelede kusanzyanya matende umwi aumwi.]

[Nkambo Nda mupa mukozyanyo, kuti mweelede kucita mbuli mbo Nda cita kuli ndinywe.]

[Ncobeni, ncobeni, Nda mwaambila, I muzike taindi mwami wakwe; nekuba oyo wa tumwa taindi oyo wa mutuma.]


[Ikuti na kamuzi zintu ezi, munooli a coolwe mwano zicita.]

[Akube kuti Mwami alongezye kubala Ijwi Lyakwe.]

[Mbuli boonse bayoolya, bamalumi bayo sanzya matende abo mu kaanda aka, kuya; alimwi banakazi bayo sanzya matende abo mu kaanda ka kulumwesi, kuya, mu kaanda kaniini ka kubapatizya. Kukkomana kapati kubona banji kabayanda, alimwi kucita, aku tola lubazu a ndiswe muku sanzanyanya oku kwa matende.]

[Atwi mikile toonse? Kuli baabo baunka . . .]

[Alimwi twa amba twa lumba kapati alimwi twa kabomba kumbele lya Leza ku buzuba bubotu obu, kuti kwali kukulwaizya kubotu ku moyo wesu, mu kubona Busyu bupati abwa nguzu ibwa Leza wesu kusika aakati kesu kuba kuno tukulwaizya a ku tulongezya.]

[Mbuli mbo tu kotamika mitwe yesu toonse, tu la lomba Mukwesu Earl Martin kuti amwaisye abo beelede kuunka.] 

IKUPENGANA TNG63-0901E
(Desperations)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo mangolezya, Itwi 1, 1963, ku Branham Tabernacle, Jeffersonville, Indiana, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org